

曝書亭全集

冊四



曝書亭集卷第十一

秀水 朱彝尊 錫鬯

古今詩 十

重光作噩

送陸參議

光旭

督儲江北兼訊龔方伯

佳育

金司臬

鎮

田學

使 雙

春盤細菜散觥籌
暇許招尋醉肯留
遲日最難花下別
輕塵恰向雨餘收
熟知官閣三山近
預想燈船五月遊
驂竹黃童應笑語
石城岳牧總風流

題李檢討

澄中

濯足圖

公欲隱真亦水中央

我昔左海遊曾為東武客
夕陽一騎人不知馬耳晴峯照金碧
夢想青蓮五朶開
雩泉百折流
澗當是濯足若逢爾
筍鞵桐帽忘歸來
攜手日上超然臺

夏日 瀛臺侍直紀事六首

暗水三橋出明星萬戶開玉堂鈴索動宣喚入 瀛臺

宿葦多於薺涼沙白似冰隴隴深樹裏忽露九枝燈
麗草雲根潤風花鳥下香蓬萊今始到真在水中央

太液新蓮酌金盤曲宴初

君恩念蠲渴先賜馬相如

螭首濡毫罷蛾眉散直歸爐煙香未歇荷氣復侵衣
紫蘂千花露金塘萬柳條牽留容左史徐度赤闌橋

五月丙子侍宴 保和殿恭紀二十四韻

柱下隨周史琴邊聽舜歌

廟謨神策勝荒服遠人過葱嶺車書接條支部落多郵籤幾重譯貢
使百明駝黃帕開封速花甄視日趨九賓齊脫劍一士許鳴珂乍橐
螭頭筆還衣鳳尾羅逶迤緣幔閣踈踏步鑾坡天半聞

清蹕塵中隔絳河班聯小侯近禮異叔孫苛糗妝官庖出葡萄塞馬
馱壺冰淘紫莖山葉裹瓊禾割肉容臣朔傾心到尉佗上雲留麗曲
深雍舞蠻韉喜溢六人志五龍顏甚衰慚鶴髮何見知真特達矢報尙蹉跎懷核披香案分酬太
液波自然蠲渴暑直覺去沉疴煙淨高城柳風傳別殿荷景猶長北
至序正秩南訛

帝治原無外

皇居信有那萬方皆屬國六詔敢橫戈洱海兵將洗苴蘭石可磨宣
功宜作頌

聖德邁元和

題王舍人

嗣槐

西山遊記三首

三年索米住長安咫尺雲峯欲上難讀罷高文但西笑開簾試隔女
牆看

盧師說法已千霜石上松猶四尺強我亦曾尋二龍子夕陰點筆在
莓牆

上方絕磴最嶄巖花藥春叢靜不芟六聘山中三日住輸君秉燭入
空嵌

臨淮口號

鮮鯽臨淮美傳聞尺半強祇供津吏索不放老夫嘗

秋杪同周質王李符龔邵瓊舍弟彝玠從子建子游

攝山是夕包銘曹適至際曉周覽山曲信宿乃還暈圖

為行看子各紀以詩予得四首

一峯立如繖衆峯韜陰霞有時衆峯露一一青蓮花我來秋已深白

露零蒼葭同調五六人志在窮幽退出郭屏僚從取徑入崦岬高墳

何王墓但有麟辟邪犬吠疎籬根鳥棲枯樹榭每因青谿曲遂使略

約斜山僧遠迎客拄杖披袈裟坐我青豆房汲泉烹紫茶

槭槭霜葉鳴皎皎霜月白豈期深山中乃有不速客將無御風行吹
落大小翮手持竹如意並坐萬古石舉杯斟酌之酒戶笑連擘東林
鐘魚聲相荅永今夕

凌晨取微徑栗杖叩精廬病葉脫鴨脚斜門東林筵秋盡澗泉涸唇
窟徙潛狙谿橋凡屢渡徑草多未除西上天開巖縱觀石壁書大江
流鳥下日午風舒舒急槳撐盧舟有若逆水魚不知躋絕頂蒼茫復
何如

山游逾信宿未能極深窈我僕迎路隅揭步出叢篠比丘指雙松紀
年千歲少何人植此樹毋乃明僧紹摩挲捨宅碑風迹尙未杳王郎
妙山水能事擅江表試畫偕游朋煙液信昏曉經營殫意匠改月庶
能了

晚登燕子磯同周布衣

質

柯舍人

崇樸

各賦三韻

舞燕寒不出危磯淨無塵夕陽射亭柱遠渚移釣輪應從長蘆畔指

點登高人

魯太守 超 席上賦

海內詞流幾派分盡誇皇甫士安文 太守作今詞選序 正愁縞帶交期晚蚤

有瑤華驛使聞歸路亭臯飛木葉放船薛殿冷湖雲十年夢寐西堂燭今日題襟得共君

贈徐丈

石帆先生海嶽姿盛年解組棲山茨耕漁軒竹長千个上下崦梅開幾枝有客問年書亥字閉門轟飲過申時只今介雅多新句好續金蘭舊日詩

玄默闥茂

送徐中允 秉義 假還崑山六首

紫陌春晴匹馬歸清江南下一帆飛人生半百且適意未見朝衫勝

芟衣

經義紛綸致異同誰能閉戶軟塵中著書終讓名山好輸與周南太史公

舊侶荆高對酒頻香螺畫榼五冬春獨醒客去無堅坐臥甕憑誰捉醉人

石湖居士范成大金粟山人顧阿瑛歸向東吳無箇事留賓題徧草堂名

爛漫廚煙煑野蔬菘根秋末韭春初到家一事差堪惜不食松江巨

口魚

中允性不食魚

淥波碧草望中遙劉井柯亭轉寂寥他日歸帆下吳苑先攜竹杖訪平橋

送張劭之平遙

彼汾沮洳吾舊遊送爾匹馬逾徐溝人行芳草碧於水日出杏花紅滿樓榼中酒味苦桑落簾外鳥聲黃粟留客居適意遠亦得搖筆賦

詩何所求

送孫編修卓使安南

詞臣銜

命自螭坳親捧 天書出漢郊 萬里驂鸞經北戶 百夫騎象迓南交

蕉花紅壓桄榔杖 蘭葉青連翡翠巢 知有清文冰雪並 能令瘴雨洗

黃茅

李檢討澄中紺園雜詠六首

荷陂

風過蓮葉香 日出釣船去 不聞雞犬聲 但有鷓鴣語

柳浪

斷岸綠楊齊 濃陰覆水低 東風吹太急 扶起過橋西

綠水軒

軒中獨木几 檻外獨木橋 際夜沙月明 蘆荻風蕭蕭

會心亭

雜卉秋尚開淺莎晴可坐於此獨寤言浮榮等糠粃

鏡香樓

吾里鏡香亭君家鏡香樓滿池鴛鴦浴四面芙蓉秋

松風臺

山月無片雲夜半松風起欲寫入瑤琴風聲吹不已

上巳萬柳堂讌集同諸君和相國馮夫子韻二首

不到閒園已隔年綠楊高映女牆連無妨並馬橫橋渡更許深杯曲
水傳徑仄易侵蘋葉小日晴況有杏花妍舞雩幸忝從游列澹沲春
光過禁煙

小徑升堂步履偕隄沙遙築避塵霾歌翻驟雨新荷好地比崇山峻
嶺佳露井有華滋藥甲春衣無桁挂松釵永和會後斯游最襖飲蓬
池未許儕

送陳四處士晉明再入楚二首

燕山雪後送君行，茸帽駝裘馬上輕。一片晴川萬楊柳，春風重入武

昌城

官清幕府足棲遲，漢上題襟定有詩。鑿井便為王粲宅，行歌隨處葛

疆池

沈詹尹荃崔少詹蔚林招同湯侍讀斌施侍講閔章潘檢討

未飲限燈字

九月秋陽氣尚蒸，晚來欲雨薄寒增。黃花插帽經三宿，白苧裁衣試

幾層。小鳥飛翻簷外樹，微風升降酒邊燈。相期偶值趨朝暇，起問

鑿鑿鼓未會

同作時重陽後三日

潘未

西峯鎮日翠崢嶸，倬直無因得共登。九陌年華銀箭水，千秋心事

玉壺冰。惟因綠酒親元亮，莫遣黃花笑季鷹。却憶升平多故事，醉

騎官馬簇紅燈

送查上舍昇之湖口

爾去彭湖口香爐對客牕潮痕灌嬰井果否應潯江

除日保和殿侍宴

珮結緋魚後樽開白獸先呈能勾樂隊密坐潤爐煙紫路頻除夕青

燈異往年誰當頌椒會猶侍

聖人前

昭陽大淵獻

元日賜宴太和門

垂衣逢盛際輯玉盡來庭白醞三光酒青歸一葉莫新年恩較渥

昨日醉初醒九奏鈞天曲風飄次第聽

十三日乾清宮賜宴

詔許宮門入人隨陛戟移江梅低壓帽火樹密交枝既醉盈觴

酒無疆萬壽詩夢游真不到今夕奉恩私

是夜 賜內紵表二裏一

元老傳

天語殊恩及侍臣禮優加束紵價重抵雙銀笑答妻孥問爭尋剪刀
頻光風今歲早春服最宜人

十五日 保和殿侍食

露草詩歌雅雲天易象需不圖大醕樂獨許小臣俱注盃茶膏滑堆
盤菜甲殊歲除曾幾日四度飫 堯廚

是日再入 保和殿侍宴

乍 賜晨餐出仍容午宴陪一夫馳秉翟七校下傳杯妙舞娑盤歇

華鐘取次催分明衣上月攜自九霄回

二十日 召入南書房供奉

本作漁樵侶翻聯侍從臣迂疎人事減出入

主恩頻短袂紅塵少晴牕綠字勻願爲温室樹相映上林春

賜恩禁中騎馬

魚鑰千門啓龍樓一道通趨翔人不易行步馬偏工鞭拂宮鴉影衣

香苑柳風薄遊思賤日足繭萬山中

三十日

上自南苑回賜所射兔

壹發歌文囿三驅入漢郊乍肥淺草窟宜入早春庖賜向燈前出

歸從馬後捎食經繙未得方法試燔魚

二月初二日賜居

講直華光殿居移履道坊經營倚將作宛轉繞宮牆對酒非無月攤

書亦有牀承

恩還自哂報國祇文章

駕幸五臺山恭紀三首

圖經曾識五臺名想見雲從
帳殿生節物乍分春恰半登臨最好
雪初晴林香紫鴿翻風上月黑金蓮照地明定有山靈呼萬歲不徒
龍象下方迎

花宮高下繞臺懷鐵鑠層層鴈齒階代郡雲山連朔郡北街星斗劃
南街千夫試轉清涼石二月如燔泰岱柴望秩百王曾不到天教

宸藻首磨崖

紫府仙居岳鎮同削成大古想神功地傳竺法蘭棲處山入勾龍爽
畫中曲磴溪流頻度馬晴雲鳥下數歸鴻省方豈為尋沙界特采天
花壽

兩宮

駕自五臺回 賜金蓮花

紫府蕃神草金花近

御牀獻非緣鹿女

恩許載牙箱一束叨
殊數千金補禁方丁寧須什襲或恐夜生光

銀盤菇

細菌多無算銀盤大一圍未殊榆肉脆更較樹雞肥
御墨題猶濕嘉蔬物豈微流傳文館記盛事景龍稀

賜紵紀事

上闌初日映簾犀

天語聽傳紫閣西織自珠宮加熨貼擎來黃紙驗封題折枝花訝臨
風並掉尾鯨看戲水齊端綺入春

恩再洽稱詩彌媿在梁鵜

賜御衣帽恭紀

鶴紋初啓尙衣封藤帽朱絲自
九重日角乍辭宮樣穩冰紈不散

御香濃玉堂掌故傳他日清鏡衰顏話舊蹤回憶滄江六年事笋皮

荷葉釣船縫

醍醐飯

絕品醍醐飯人間總不知素餐臣節媿推食

主心慈九繫長腰米兼金六寸匙青精徒自滑較此駐顏遲

賜鱒魚

京口鱒魚尺半肥黃梅小雨水平磯無煩越網千絲結早見燕山一
騎飛翠釜鳴薑纔 敕進玉河穿柳旋攜歸鄉園縱與長干近四月

吳船販尚稀

憎蠅

曉夢晨光裏羣飛戶尚局慣能移白黑非止慕羶腥曲几思投筆輕
巾屢拂屏北牕眠未穩孤坐憶江亭

憎鼠

尺二田間鼠何來廣廈中鬚看縛筆易聲比數錢工未肯腸三易須

知技五窮銜蟬如可聘滅燭臥宵終

送杜少宰

臻

視海閩粵二首

漢將樓船遠受降重臣疆理到南邦
山程伐嶺復見嶺水驛下瀧還
上瀧榕葉清陰交露輞梅花疎影入吟牕
不知五色羅浮雀玉節前頭日幾雙

暫輟山公啓事書周巡閩海自扶胥廿年已失魚鹽利百戰猶存蕩
析餘鴈戶沙邊尋舊宅鮫人渡口趁新墟
恩言却似平淮後相度來宣走傳車

早秋西華潭

殘暑秋逾熾涼風午乍催微波蓮葉卷新雨豆花開宛轉通橋影清
泠傍水隈夕陽山更好金碧湧樓臺

夜起

銀浦懸宮月金風動井榦魚雲吹不去虬箭滴初殘木落南樓早山

連北口寒秋來無別夢夜夜望回

鑾

送宋僉事學之官通潞四首

十里鶯花露輞前慶豐插水得漁船莫嫌一出春明遠猶是城東尺五天

中盤會聽佛樓鐘按部重登紫蓋峯料得使君吟興發塞門百道走

紅龍

漁陽松繖寶坻魚漚酒吳船味不如更憶昔年移柳在濃陰輸爾晝

簾餘

白馬銀鞍紫絡纓引弓曾傍屬車行爲郎未老單車出射虎重過

右北平

次韻贈沈上舍

沈郎詩格珊瑚鈎曾題八詠之高樓著書應過習鑿齒論事不數賈長頭橋門鼓篋又三載社酒治聾須幾秋愛子齋居花滿眼疎簾清

簞坐銷愁

題高侍讀江村圖二首

菊磧疎寮舊跡存，畫圖髣髴見江村。
雙橋儘許通舟楫，他日柳陰來

叩門

杜甫南鄰有朱老，吾將徙宅問東家。
水邊沙際閒田闊，添種鴨桃千樹花。

題畫羅漢

梅生小十六，羅漢筆力遠勝盧楞伽。
我題此幅更奇絕，人影瘦於枯木查。

題雪中垂釣圖

九十九淀畿南水，五三六點塞北鴻。
雪花溟濛濕柳絮，人影瑟瑟縮枯蓮蓬。
易酒冰酒村，甕白東家西家爐火紅。
此時堅坐不歸去，一笑無乃天隨翁。

為王祭酒 士稷 題畫冊二首

澣山灤口水糲糊穉柳天桃何處無他日雪堂留客逕不難疏鑿擬

西湖

寒江窠石早梅舒此地仙居也不如但恐瀑泉侵案濕小牕催徙讀

殘書

法酒

敕自宮門下香從內庫來綠瓷雙甕滿黃紙一封開燈火將除夜屠

蘇最後杯沉吟

主恩重入手且先催

官羊

考牧傳周雅魚羔憶楚騷肥應速諸父瘦敢讓聯曹家祭占丁巳毛

牀鉸圈牢賜生臣必畜詎忍授屠刀

少牢饋食禮日用丁巳齊民要術養羊法三月毛牀動則鉸之

五月毛牀將落鉸取之八月又鉸之

鹿尾

東丹王子畫移刺楚材詩

鹿尾漿始見楚材集

尻截漿尤美肴蒸味最奇須停

射工脯不數果園狸燒尾聞唐日今朝宴亦宜

梭魚

雉兔關東最梭魚味更良刺方青鯽少繪比玉鱸香

賜出春初早攜歸尺半長罟師題字在

魚鱗有字識獲時係十月十日

寧分小臣嘗

除日侍宴 乾清宮夜歸賦

千門除日已春融兩度椒盤侍 禁中坐聽鈞天仙樂後起看珠斗

上闌東歸鞍笑逐三駿馬守歲歡迎五尺童不是雲漿浮鑿落衰顏

那傍燭花紅

曝書亭集卷第十一

曝書亭集卷第十二

秀水 朱彝尊 錫鬯

古今詩 十一

闕逢困敦

元日 南書房宴歸

上復以肴果二席賜及家人恭紀
纔承 曲讌侍仙闈又撤瓊筵到北扉
歲酒更番移席勸
主恩一念感心微比鄰漏下驚窺戶
兒女燈前笑攬衣閒向金坡說
遺事全家賜食古來稀

自 禁垣徙居宣武門外

詔許攜家具書難定客蹤誰憐春夢斷
猶聽隔城鐘

送張先生巡撫山東二首

十二河山大小東中丞持節鎮繁雄
循良久數張京兆副相依然漢

上公并稅蠲來青帝壤 屬車迎及素王宮
離華秋色看逾好秀澤 單椒儼畫中

泰雲堂上酒曾酣種竹開亭徑舊諳
山湧高城雙戟外池分新水七 橋南要知政簡無留牘可許朋來賦盍簪
準擬春風陪杖屨重游細

酌澆泉甘 澆泉子客濟南時所鑿

同黃 虞稷周在浚 彭 桂 飲劉學正 中柱 齋

國子先生屋數椽晴牕齊拓衍波牋詩題史籀岐陽鼓書載汜光湖
水船百罰深杯初度夜十年舊雨一燈前不嫌臥甕人來數日日牀
頭釀酒錢

副相徐公庭中種蕉結實禹鴻臚為作圖因題絕句二首

已愛清陰護綠紗更看秋蕊綻靈芽豐宜門外園官老能得幾人逢
此花

日南會記一叢叢合薦冰盤荔子紅誰料塵沙燕市滿露珠涼綴小

亭中

十年青簡待封題官燭長分太乙藜正值閒庭花放日便應焚稿

禁園西

故事國史編成於西苑蕉園焚稿

題汪贊善霖讀書秋樹根圖

千官仗下列蛾眉東馬嚴徐獻賦時安有斯人坐雲壑披圖真笑虎頭癡

同陸處士查上舍兄弟寓齋小集分韻得逢字

金水橋南楊柳西華潭外芙蓉衰年杯興未減隔歲詞人又逢爾汝何甥謝舅飛揚季虎頭龍夕曛戀客未落留聽西林暮鐘

送益都馮先生集萬柳堂次韻二首

十里沙堤萬樹楊秋容猶未點新霜小車稷下將歸日上巳城東舊醉鄉坐立部歌聽總好田園樂事話方長千秋祖帳羸疎傅錄別樽前有和章

白頭許 賜治源閒青史難將諫錄刪此去耕漁尋舊侶且憑絲竹

解離顏開簾浴鳥階前水過雨斜陽檻外山他日從游期莫定強留

嘶騎玉河灣

送張遠之桂林二首

濯枝新雨玉河隄送客遙尋五筦西自是驂鸞逐仙侶緇塵不上錦

障泥

星郵南指伏波巖路轉衡山九面帆吟到相思江更好綠榕樹底紫

蕉衫

題王叔楚墨竹爲家上舍載震賦

畫家畫竹專用墨李波文同已難得後來能事吳仲圭橫斜曲直無

端倪誰爲此圖王叔楚意象豈必全師古竹枝大者一口強其餘瑣

細抽風篁山泉泠泠走石罅可惜無人坐銷夏潛江主人購得之索

我點筆題新詩吾家長水一茅屋北垞南垞都是竹每憶園林燒筍

時不戀樹雞及榆肉海陵曹岳爲我畫作圖藥爐茗椀書籤厨年來
松菊成榛蕪對此臨風一惆悵歸與歸與范蠡湖

送馮遵祖宰平陸

著書獨有五亭好作吏無如三晉閒醉裏襄陵官甕酒到來底柱郭
門山耕餘讓畔田千頃吟對浮查水一灣白鴈年年度汾曲相思煙
月幾彎環

送少詹王先生士禛代祀南海兼懷梁孝廉佩蘭屈處士大

均陳處士恭尹

今年

天子省方岳 詔祀四瀆封五山 屬車先行上日觀使者分命辭

星班先生 儲端仁遷秩誕持龍節臨百蠻維南有海祝融宅沐浴

日月神所寰吾昔踰嶺謁祠下嘔啞門啓金獸鑲木棉陰濃畫壁冷

銅鼓雨漬苔花斑模糊穹碑蝕歲月夾侍祕怪殊鬚鬢帆歛忽颺

母惡珠宮貝闕罕得扳

布還反

先生到日陳祝冊扶胥渡口黃木灣雙

崖斷若青玉玦小海大海波漩濃綾袍織成孔雀翠綵旗飄颭芙蓉
殷神絃安歌合竽瑟巫覡屢舞搖花鬢牲肥酒香百靈悅旋臚奮櫂
渡無艱乾坤端倪盡軒豁鱷魚遠徙除陰姦五羊仙城六榕寺劉王
花塢恣迴環況有尉佗臺畔樓晴闌百尺眺高閒人家兩岸種紅豆
芳草一叢飛白鷗荔支洲邊少黃葉菖蒲澗曲多青菅江蕉成林乳
滴滴山鳥挾子鳴喧喧珠孃搖櫓蠶子唱小舫亦足開襟顏先生賦
才煥羣雅得句豈獨驚愚孱古來時巡必望秩書有帝典頌有般蚺
蛉毛筆鸚鵡硯輶軒所采誰能刪郵籤雖越一萬里計程七月當來
還河冰未合日南至蘆溝橋水流瑒潺四牡光華送行邁車前騶唱
難牽攀最愁執手河梁人歸時穩臥柴荆關南園舊友儻無恙尺書
報我吳會間

送周參軍

在浚

之官太原

曩客晉陽城逢君館香界羣公方愛士列席邀旅話君時一縫掖血
氣自矜邁高坐噉彘肩勇若舞陽噲百壺恣傾倒寸心無蠶介此會
二十年平生意所快川涂屢漂泊第宅改湫隘謀生術愈疎汲古心
匪懈詩圖審正變樂章別流派博稽皇象碑耽讀向平卦以茲河漢
才金門足遷拜一官趨幕府諾仕吁可怪衣垢馬足塵氣短酒壚債
所幸山水區轍跡舊會屆瑋琮難老泉分流注蒲稗中有長生蘋葱
青儼圖畫峪藏千佛經遺蹟久未壞吾初見之喜力欲挾幽砦徙置
叔虞祠琳瑯等金薤事惟慮始難謀以蓄疑敗風峪洞中有北齊天
保時刻佛經石柱一
百二十六予客太原謀于王方伯顯祚曹副使溶將好奇君過我試
啓而徙於晉祠築亭貯之有方使君持不可乃止往破天械築亭古柏交移石秋陽曬廣榻九萬牋流轉都市賣卽事
良可傳居卑莫深喟行春狐突山翫月鮑昭靡適意亦由人慎勿形
神瘵

送田少參雙之楚分韻得江字

前年白下君送我臨當解纜拔柳椿勞勞亭子惜分袂津吏伐鼓聲
逢逢今年燕市我送君西山積雪連崆峒夕陽欲落猶未落返景倒
射紅油牕人生會難別苦易君又乘傳熊渠邦川涂迢遞四千里計
程涉濟河淮江翻飛蒼鴈且莫致攬環結珮何時雙深杯當前宜縱
飲滿貯獸火傾羊羝坐中曹

貞吉

謝重輝

鬪奇句掉險類舞都盧撞

譬諸宮商迭相奏竽瑟控楬紛瑋撻君亦錄別留新詩偏師一出長
城降古來文人志開濟豈必翰墨驚冥忝邇者七澤罷兵革燒畬買
犢齊耕稷芻芟米粟待輸輓筥斂稷秬爭牽扛有時清暇集參佐赤
闌湖口浮舲艘雄風颯然蘋末至怒濤直指臺根撞武昌魚泔十千
尾宜城酒醞二百缸維藩樹屏昔所重快意不在張牙幢吾今謫官
一無事思從楚客褰蘭茝題襟漢上許酬和他日抽帆偃畫杠

送曹郡丞

貞吉

之官徽州

勝絕新安郡高秋擁傳行江流清見底山色翠當楹萬壑雲爲海三

都石作城漆林分井社松蓋辨陰晴墨愛麋丸漬茶先穀雨烹由來
風土美見說訟庭清之子齊東彥才華鄴下并詞源白石叟詩法玉
谿生鳳沼趨晨久鸞臺典籍榮後來薪愈積老去驥長鳴豈厭承明
出遙思廩吏迎名山謝康樂隱吏許宣平晚飯桃花米春廚竹筍萌
麥光題素紙龍尾滌金坑暇有懷人作知同惜別情十年呼薊酒雙
調譜秦箏忽漫登長道沉吟數去程跡猶淹旅食心已定歸耕七里
巖陵瀨千秋黥帥營相尋試酬和編筏采紅蘅

贈別孟楷二首

老夫臥穩謝浮名羅雀閒門少送迎一事近來差快意篋中詩得孟
雲卿

碧山學士王聖與鑑曲詩人陸務觀五百清詞纔過眼最愁花外送
歸鞍

詠柿

纍纍入稜柿託根西山陽一株一畝陰蟲鳥莫敢藏烏稗秋迸實赤
葉新翻霜團酥釀甘露冰齒流寒漿回憶三伏時毒熱難周防永日
無片雲焦煙起連岡行人經樹底豈異冰壑涼此時儻結子瓜果安
足方奈何風淒其摘來始盈筐嗟爾生非時難誇受命強況值蟹膏
肥配爾慮見殃憧憧往來人掉臂不一嘗空煩黃口兒燈火市道傍
南鄰煨芋栗北舍鳴椒薑炎涼迭相代斂退分所當幸有林居人愛
之終勿忘

題東浦學耕圖二首

上書空做黑貂歸賣賦年來計漸非爭似爲農東浦畔醉吟獨速舞
蓑衣

老我青緇嬾束腰薄田枕水傍灣橋明年準擬全家返也買烏犍種
楚苗

題汪檢討楫乘風破浪圖

汪君才地何崢嶸直與東馬巖徐并一朝銜

命使絕域瀕行封事上九閔乞降

御筆示海外永使荒服輸其誠僉曰不可

帝曰可濃墨大字搖光晶

天子臨軒賜顏色容臺諫院那得爭琅函錦題國門出車前騶唱揚

三旌麒麟之袍繡織成青絲絡馬雙鞶纓被以重罽紅猩猩南浮江

淮達閩越長風五月沙雨晴天妃廟前醜酒行柁樓語笑潮已生梅

花洋東天水黑但見日月星辰明一夫危檣赤脚撐捷如山木騰鼉

鼉百夫仰望日盡瞠峭帆風飽弓在檠又如張翼鷺鳥征有時吟嘯

訝鉞笙千人同舟一心力不比吳越交相傾巨魚長似金背鯨揚鬣

前導莫敢撻攬滿空霜禽飛且鳴黃衣蝶翅方鸚庚昏波忽拔虎蛟穴

靜夜或睽驪龍睛潮雞報曉鼉報更三日竟指中山城中山君長搓

手迎道旁張樂聲璫琤傾城士女堵牆立筍皮笠重蕉衫輕叢筠夾

岸煙梢平佛桑花開白紫頰日長使館坐無事圍棊隔院聞楸枰銀
 光研紙百幅呈詩篇或與沙門賡愛君臨池用筆精草書不減張伯
 英八分遠過梁昇卿宣尼新宮碑一丈高文摹勒傍兩楹更聞島中
 田少耕賓筵日日羅香杭佳酥之魚翠釜烹香螺勸酒黏綠錫模糊
 深碗山藟羹遐陬風土正不惡亦有花藥同揚荆歸艗仍以鍼計程
 往還七見蟾蜍盈君來詰闕因陳情請假讀禮旋書棚却金復荷
 主恩賜投牒翻來遷秩榮憶昨送君秋氣清纔逾一暑入帝京
 金門咫尺我顛蹶君乃萬里來蓬瀛披圖雪浪看尙驚眼花欲眩心
 怦怦耳中髣髴波濤聲粉精墨妙誰經營恍疑博望星槎橫我歌長
 句揮散卓青雲敢附千秋名

題侯開國鳳阿山房圖三首

四先生里讀書莊尋也經營興不忘張筆孫詩陸經義孰居南北孰

中央謂張上舍雲章孫孝廉致彌陸徵君元輔

吾家亦有二畝宅，千个篔簹兩樹桐。輸與勾吳歸客健，滿頭白髮

帝城中

練江風物最牽懷，藥布筠筒市滿街。他日堂成須報我，便拖竹杖覓

吳鞵

沈上舍

季友

南還詩以送之

有客辭我行，席帽白羅袷。自言不得意，歸當荷松鍾。小園柘湖濬，流水似清雪。離黃舞花梢，靜綠照簾柙。青蒼風筠竿，紫茜露藥甲。都籃茶具列，月波酒槽壓。恆許二仲尋，寧嫌三徑狹。年豐鰕蜆賤，市遠漁樵洽。櫂歌夜尙聞，香稻曉仍畱。暇便操土風，先民有遺劄。

上舍輯
李詩樂

郊續私語雅製洵不乏，憶昨擔簦來燕臺。雪飛恰高詠，篋中詩得句

奇且法。燈火擁上元，酒人齊賞狎。陽春詎寡和，轟飲恣深呷。雅材一

百五珠槃藉，爾敵駢詞妙。徐庾經義析，鄒夾謂當搏。扶搖青雲在，俄

霎豈意威鳳姿。先鳴讓鴨鵝，新霜危葉墮。遠渚羈鴻唼，別筵逾九日

寒水響五插竹節鞭乍持莢房鬢猶插倦游憐歸人有若劍離匣改
歲誓言旋比鄰數鵝鴨

和韻題惠 周楊 紅豆書莊圖五首

離離紅豆映空亭裊裊牽牛上短屏最愛舍南風幔卷高城不隔遠
山青

粥魚茶板近松門夕照雙浮塔影存一入畫圖看便好城居僻似沈
尤村

全家擬泛酒城東已分生涯釣叟同他日招邀葑田北一帆風飽似
張弓

羣雅之材一百五說詩匡鼎未應過老夫也擬刪箋注點墨研朱奈
懶何

吳船歸及早梅春淨洗東華裋褐塵我亦潞沙旋放溜來尋北郭十
詩人

嘉禾篇頌張先生

康熙二十三年冬

天子將登日觀峯十行 詔下軫三農薄徭放稅寬租庸南徐夫子

小隊從天廡 賜馬繡纏髮先時水旱頻告凶北達河涉東維灘晨

炊不舉夜不舂夫子下車憂憺憺請發倉粟救鞠訕鄉師爲粥吏佐

饗飢者得食皆歡悰有如鴈唼魚唵喁土鼓賽社聲瑟瑟服田力穡

不敢慵彝麥旣登種稔種冷風時至甘雨濃生我嘉穀黑白彤一莖

乃見抽三稜露苗珠綴花惺忪照以澹月涼溶溶下有溝水鳴琤淙

耕夫鎰婦齊動容襁負稚子行蟹蛩百年野老訝未逢載筐及筥包

以幪來告節使獻 九重般般者獸宛宛龍連理之木蟠枝松玉芝

紫脫青芙蓉未若茲禾和氣鍾靈苗驛驛芒茸茸八月其穫崇如壙

輸之 天庾惟正供我聞樂事舒心胸大賢美政孰比蹤不貪爲寶

民吏宗

主聖臣良時乃雍五風十雨殊乾封

簡宋觀察聲

今年燕臺數雨雪雪晴九陌吹回風欲鳴不鳴曷日鳥得過且過寒
號蟲茸裘已敝庫尚典濁酒苦貴樽長空故人念我儻分贈薊門白
炭盤山菘

題陳履端詞稿

尺書頻寄慰衰遲裘屐風流又一時珠玉連篇歌乍闋么絃別譜小

山詞

題洪生對酒圖

酒庫京坊六度開近無月奉市官醅荆高舊侶多零落賴爾南鄰日
往來

再題高學士江村圖二首

荒茅結屋短牆垣不似金坡學士園只合年年借儂住漁竿漁網插

溪門

勾吳巖四畫難得比似菰村境復殊想像江鄉宜有此蛤蜊菰葉賀家湖

爲畢大生題扇

今年十月尚暄和雨後流泉響玉河竹扇未應收畫篋絮衣猶可著香羅籬根細菊冬逾媚砌下吟蟲夜轉多那得滄洲載新酒亭前捉臥甕人過

雨過劉學正兼隱齋觀石鼓文拓本

今秋最多雨陸嘉淑昧谷藏烏蟾彝尊枉書丙丁帖魏坤果符甲子占劉中柱夙興愁霞赭朱載震餘溜消突黔查慎行折簡四門至嘉淑卜畫得所欣彝尊各各衝塗泥坤紛紛污鞞檐中柱入老門莎滑載震遶屋細菊黏慎行焜黃已撼撼嘉淑晚翠方婆婆彝尊濕徑乍一取坤油雲俄重淹中柱側耳聽淅瀝載震深坐防濡霑慎行際此

霾冱并嘉淑猶未霰雪兼彝尊臘釀清五加坤獸火紅半枚中柱安
肅菜翦甲載震直沽蟹撐箝慎行海物羅瑣碎嘉淑山果咀酸甜彝
尊捉臥甕人醉坤覬不速客添中柱中筵樂方畢載震主人發經歷
慎行獵碣自陳倉嘉淑甲乙分排籤彝尊其辭儷雅頌坤其法妙鈎
鈎中柱選徒悉左右載震體物窮游潛慎行秀弓旣云調嘉淑麋豕
罔不殲彝尊君子爰適樂坤邊豆充包燂中柱詩疑吉甫作載震書
命臣籀僉慎行車攻與吉日嘉淑比擬意交厭彝尊奈何馬鄭徒坤
紛綸起詖諛中柱年殊成宣狩載震譜異姬嬴鍔慎行缺畫費咿嘜
嘉淑密義煩顧瞻彝尊修藤蔓珍毫坤勁草萌勾尖中柱簪花女姚
冶載震帶甲士疑嚴慎行作龍之而鱗嘉淑掀攫于思奪彝尊往在
岐陽時坤曠野孰窺覘中柱受辛相夜杵載震敲火磨霜鎌慎行宣
和忽移致嘉淑皇慶乃覆苦彝尊切磋留太學坤愛惜蓋深檐中柱
鈎金縱剗剔載震節角仍安恬慎行詛楚文久泐嘉淑亡秦碑或燬

彝尊藉茲典刑存坤一字直一縑中柱述書誦古賦載震改席蹇踈
簾慎行車轄投亦得嘉淑接羅倒奚嫌彝尊吏暇笑兼隱坤官冷慵
趨炎中柱有酒傾玉餅載震無酒指青帘慎行六街鼓皤皤嘉淑兩
頭月纖纖彝尊欲行復被肘坤燭至還提槩中柱謂客毋庸歸載震
險韻尙可拈慎行

旃蒙赤奮若

秋涇行示吳秀才

周瑾

秋涇水上有落帆短亭子渡頭橫跨百尺橋蟹舍漁村合成市吳郎
門對涇水流花南有堂北有樓吾來襍被過信宿三日五日常淹留
泔魚倒臘甕量酒傾新篋君詩老蒼賦溫麗有才如此翻不第蘆簾
紙閣歷歲年穉子蓬頭婦椎髻婦爲吾妹子吾甥薄田涇上麤可耕
埽除肯作一室計汗漫寧爲千里行相憐童穉情親早旅食京華吾
潦倒昨者有客來武陽傳說容顏君不老人生六十猶未衰樽前只

合開懷抱何況騷人屆初度燈火上元時最好歌長歌書草書知君
發函伸紙還軒渠吾今妻子返里閭明年歸乘轂鯨車君還秋涇定
何日相期近結比鄰居

送王贊善揆視浙江學政二十韻

京國沙隄舊婁江甲第臨世家唐宰相經術漢儒林早射匡時策先
鳴正始音才華王轡謝詩筆沈兼任偶出辭温樹重來翫薛禽瑤山
開四照丹地拔千尋 朵殿新篔簹 儲端每獻箴詢謀公望最眷
顧

主恩深持節巡江介觀風采會吟色絲能辨石爨火定收琴洞壑包

三九道書洞天福地在浙江共二十有七圖書足古今湖光仙櫂疊嵐翠戟門侵紫筍

茶教瀹烏巾酒待斟詞場輸藻鏡交誼重苔岑十載逢青眼相於愜
素心別筵愁袞袞嘶騎去駸駸苑雪花猶積官橋柳未陰懷歸貪倚
著投分忘升沉送送情何極勞勞思不禁還期承蓋處鄉曲共題襟

社日二首

幾日社公兩芹泥香滿汀生憎飛燕至不放海東青

海東青畏燕子見歐陽原功詞

藥甲何曾碧花枝亦未紅治顰有方法只恨酒錢空

柳巷杏花歌同巖中允

繩孫

錢編修

中諧

作

頻年住 帝里一山一水何曾經有若蝸負殼又若鳥翦翎疾風揚

沙卷花去眼春事如流星邇來罷官居肆意尋郊垆朝從潞河還

犯卯酒未醒

長過宋使君
擘留飲漫堂

雙橋東偏柳巷北小寒食後微雨零偕行

者二子各各駐輿丁杏梢含苞猶未白柳條踈地今漸青晴絲冉冉

香細細卑枝嬾嬾高婷婷村童灌畦愛看客轆轤井架雙桐餅種花

此地已難得那不更縛香茅亭江鄉爾時春愈好西神山下泉泠泠

闐門游人連臂出筠車十里填支硎只如南湖亦不惡桑鳩穀犬聲

可聽紫荷花草雜坐臥燕來竹筍生矜嫻人生還家貧亦足何苦晨

夕勞其形吾儕田廬況不遠峭帆柔櫓凌迴汀都籃兼攜茶具悶

拓小眼紅牕櫺吳歛越吟相繼和五日十日恣留停念此令人反惆
悵夕陽四顧塵冥冥

寄胡少參

介社

使君麗句過西崑賦格詩圖許細論轉粟年年先社燕抽帆處處市
河豚吟看上客題襟滿書想高齋插架存辜負連船載滄酒故人未
得下津門

送陳舍人

大章

歸黃岡

君姿玉山並君詩白雪高豈意采風人力不及楚騷策馬去京國却
佩腰間刀深雍虎文韉短後茶色袍但愁別須臾何用心鬱陶素業
在黃岡潮田滿江臯烏犍三百尾種秫持作醪暇搜耆舊文筆禿猩
猩毛少年能著書此事亦足豪何時涉夏澳共爾浮金舫

贈耿都尉二首

承

恩驂乘入明光

賜第仍居履道坊日昃尙趨

三殿直月正

恆捧

萬年觴長楸走馬先歸埒小苑飛花近拂牆自有囊中餐玉訣無煩菊水餉南陽

莢房竹葉勸深杯月底簫聲次第催才子不妨如意舞酒徒拚倒接

羅迴開簾最愛亭前瀑改席宜登樹杪臺笑問琴山一青鶴可能天

際忽飛來

謂周郎中襄緒也

納臘侍衛

性德

輓詩六首

驟聽黃雞唱驚隨白馬來百年嗟輟瑟五日尚銜杯泉下知安往人間信可哀退朝憐相國封篋忍重開

通籍題氈筆承

恩改鷓冠射烏天一笑走馬路千盤禁直昏鐘入

廊餐午箭殘傷心倚閨望東第少歸鞍

出塞同都護論功過貳師華堂屬續日絕域受降時悽惻傳天語艱

難定月氏斂魂猶未散消息九京知

屈指論交地星終十二年斯人不可作知己更誰憐翠漸深門柳紅
仍膩渚蓮舊游存益少悽斷小亭前

主客披圖得雲煙過眼諳吟花成絕筆聽雨罷深譚畫裏韶顏在樽
前綺語耽憑將腸斷句流轉到江南
別悔從前易途傷此日窮迴腸歌哭外搔首寂寥中迹埽孤生竹枝
摧半死桐自今觀物化不詆釋門空

送姚先生巡撫全蜀二首

漢庭折檻舊知名節使疇咨副相行曲讌午辭珠鏡殿單車春莅錦
官城山川想像 王師入父老扶攜益部迎井絡坤維資重鎮遙將
籌策贊昇平

清時文軌萬方同將作經營五柞宮雅雨黎風吟木客芋田芸鼓輟
巴童亟須元老經綸及不使遐陬杼軸空

天眷自來西顧切昌言早爲達 宸聰

高處士

光

方處士

中德

陳上舍

洽

將歸過集古藤書屋同陸

處士

嘉淑

魏上舍

坤

分韻賦長歌送別得要字

入韻賦長歌

我攜家具海波寺九月未槁青藤苗夕陽倒影射檉柳此時孤坐不
自聊故人遠別齊過我謂言分手當來朝或還東江陸瑁宅或渡南
浦江淹橋龍眠一隻幡然回斧柯無恙山中樵金臺酒伴難悉數隨
意牽拂相招要林衣滿地席帽脫畫不絕筆書能超吳船恰到麴車
響甕頭乍圻輕塵搖匏樽屢空鴈壺覆豈必柴汝官哥窳南中風物
試細論歸值稻米蒸長腰披緜黃雀切玉繪差勝北地肥羊燒我今
已解腰下組羸馬且免晨趨朝夜如何其判促膝秋牕須盡燭一條
人生合并苦不易後會久速誰能料明年吾亦掉頭去石田茅屋恣
逍遙儻能訪我長水曲相留浮白還炊彫

重九後一日雨中集長椿寺

九日倏已過姜宸英濕雲漫四郊森森長雨垂彝尊颯颯虛檐捎病

葉戀冷枝梁佩蘭驚鳥盤空巢晨興殘夙約陸嘉淑攬袂皆貧交勝
引雙樹林魏坤宛若深山坳藤縮三秋蛇張雲章槐舞千歲蛟赭柿
迸露實朱載震金英圻霜苞紅的的吳莒陳曾藪碧叢叢秦瓦溝
竄鼯鼯湯右曾戶網除蠪蛸鮮深鬣履伏查慎行篆古蒲牢哮粥魚
晝浩浩俞兆曾牆雞午嚶嚶光景歛明晦宸英眺覽窮櫓櫟新耐綠
滿罍彝尊晚菘黃充庖豈意青豆房佩蘭俄頃羅嘉肴鳴薑臙紫蟹
嘉淑題鮓餘彩貓子鵝新韭配坤鮮鯽枯荷包已見雉膏登雲章況
有兔首魚分曹玉鈎射載震角力骰盤拋急觴易沉頓會藪緩帶便
爬抓一飲動一石右曾載號或載呶同聲倡者和慎行含意漆在膠
五言乍妥怙兆曾十手爭傳鈔雖乏韶濩音宸英肯使下里骰合并
洵匪易彝尊顧我中心愾歸帆艤舫佩蘭別騎籠鞅鞞灑迤陟荒
岡嘉淑邪許搴長笈免泣卞和璞坤且誅宋玉茅草縛不借履雲章
泉酌喁然匏檳榔蕉椰荔載震都蔗菱菰芡雞頭祖竹萌會藪翠羽

官梅梢熟知江鄉樂右會莫厭潮田磽招隱丘中琴慎行勵志賁上
父豈必馬足塵北會逐逐營斗筭宸英

送梁孝廉佩蘭還南海

合昏花開暑雨微故人留君解驂駢謂納臘侍衛性德也合昏花謝故人死燕

市酒徒看漸稀秋林卷擗百卉腓籬根細菊圓如璣北風蕭蕭南鴈
飛螿蟲窮鳥相因依此時欲別不忍別馬行蹉跎循郊圻把杯勸君
君莫揮執手語君君莫違男兒貧賤亦常事故鄉得歸姑且歸吾今
捐珮也當去免使同學翻攢譏遠遊汗漫計亦得他年訪爾白板扉
舊交陳恭尹屈大均況無恙相與散策探林霏盡脫苛禮消塵機龍
瀧下上濯我足石樓小大振我衣乳蕉子黃荔子緋馬甲柱脆紅螺
肥榕陰一畝竹十圍南園可以恣酬和詩卷無人論是非

古藤書屋再餞梁孝廉

露擗倦未飄雲鴻遠相引彝尊星埃感蓬勃物候變淒緊湯右會怪

怪入達衢有客駕倚軫查慎行僕夫在郊垆黍被隰畛梁佩蘭柅
車浮淪瀾舍櫂度嶷嶙彝尊雷殷風息颺海大魚見鰲右會峽援有
時歸南雪終不實慎行九十月之交六千里而近佩蘭懷居興雖洽
判袂情詎忍彝尊置酒青藤陰入門走蛇蚓右會颺颺涼颺動濫濫
纖月隱慎行山杯深窪匏野蕪脆嚼菌佩蘭迎寒笳卷葉戒夜鼓鳴
奠彝尊譚鋒摧趨雄詩械破詰窘右會毫毛秋兔脫墨光古香吮慎
行臨當黯然別且復莞爾哂佩蘭炎瘴舊所便眠食勗惟謹彝尊行
逢早梅墊到及蟄蟲蠢右會前期久莫忘鄉夢今始準慎行穆如清
風篇袖以示均尹佩蘭

謂屈大均
陳恭尹也

寄周參軍

在浚

初聞歇馬臺駘廟近說看花狐突山愛客易傾冬醞美著書難得晝
簾閒加餐道遠彌相憶倦旅秋深尚未還風峪石經無恙否何時徒
置別苔斑

喜周質至

耆舊西吳大雅材，白頭纔一到金臺。
最愁馬上乘船似，不道天邊犯雪來。
酒盞四年方得共，燭花昨夜記曾開。
郊扉晚計何時遂，十里及山日往迴。

曹先生

澗

輓詩六十四韻

徇祿經時別，加餐萬里教。
報書人未返，凶問客來譟。
竟輟椅桐瑟，虛藏稷芻腸。
迴真似結語，咽不禁僣投。
分懷衿契忘年，比漆膠縱橫。
才不世經緯，學能包壯日膺。
乾顧亨衢協，泰交皇華在原隰。
驄馬避鞭鞘，卿月青霄上台星。
紫極梢

主恩中外重物議，愛憎殺嶺外資。
分轄雲中藉，建饒軍興還轉餉。
戰勝屢登轍，未覩勳書策。
翻令祝代庖，清時臥安石。
奇計老居鄴，種樹鄰初地。
爲園傍樂郊，金陀坊最曲。
錦帶水難淆，曲解偷聲譜。
扉從問字敲，說詩窮五際。
布易得三爻，東馬文無敵。
南狐史共鈔，近游師束

暫高論折戶伎昔歲投荒傲芳筵恣叫呶晴牕蟲蠟翦晚飯鷓鴣魚
飲罷題連軸譚深坐轉胞硯憐鸚鵡潤筆肯蚶蚶拋小市船撐蚤輕
衣杼織鮫荔支團火繖蘭茁挂風髻蝶翅仙裘曳柑香佛手抓潮來
雞喔喔日出烏咬咬震瓦長鳴颺奔雷易激颯離愁珠海闊歸計石
田磽魚最憐鷲脰泉常激虎跑避兵居共井穰稻澤分櫟舫爲蓴絲
泊廚看芡實匏間尋百法寺悶解五湖菱楓岸拈紅葉茶槍試綠筍
探梅熨斗柄射鴨竹弓梢纜繫蘇堤遠墟逢卓女姣過頭齊杖栗焚
尾數浮胞山後津仍速樽前意更悅池清移塞柳花翠繞秦苧擁被
陶爲穴炊梁釜櫟箝白榆貪食耳黃鼠厭充肴糖躁三沽蟹鮓黏九
日貓渾河流苦急磧石面多顛獵騎掀茸帽箏人疊舞袖停軒聽賽
鼓並轡指飛鶻畫壁重重拭苔碑處處籜迎寒吹箴篋欲雪卷旂旛
我去重游薊公歸亦渡汶往來頻聚散契闊少謹諂小草無端出冥
鴻忽見翼盡嫌中散癖難免北山嘲反教猱升木那容鵲定巢身猶

依鳳闕官久罷
螭坳闐寂門
羅雀淹留迹
繫匏正思耕作耦
何意影同泡
磨滅頻年札
淒涼一束茭
賦成栖舍鵬
夢斷入懷蛟
遺草知盈篋
懸車定覆罨
空牀吟蟋蟀
暗牖網蠨蛸
籤帙無由借
人琴自此培
茫茫千古恨
惓惓寸心恹
愧後兼金賻
惟將瀆酒醅
平生知己淚
亟欲反衡茅

送曾燦之南海

白髮遊燕舊
酒人櫻鞵重
踏六街塵來
辜鄧尉尋山
約到及長安
臥雪旬鴈底
雲帆鄉樹繞
馬頭星驛嶺
梅春南園詞
客多無恙暇
日爭扶大雅
輪

徐公元文小像二首

緇塵十丈罨
東華快馬明
駝殼鯨車誰
似先生銷夏
處水亭風幔
俯雲沙

一編青竹萬
蟬魚東馬南
狐總不如官
燭兩條人半
臂笑他紅杏
宋

尚書

曝書亭集卷第十二

一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

曝書亭集卷第十三

秀水 朱彝尊 錫鬯

古今詩 十二

柔兆攝提格

驄馬行送任御史 明 視鹺長蘆

春明門東驄馬嘶
奚官新鑿碧玉蹄
紫茸鞞鞞錦障泥
使者衣繡行長隄
寒花露草煙萋萋
千樹萬樹楊柳低
津門此去三百里
來朝定指西
沽西長蘆鹽茨通
青齊君今乘驄按
左海章綬不殊
還會稽我歌驄
馬行君騎驄馬去
明年策馬來
春明應記今朝
送行處

送顧進士 永年 南歸

曲江游讌罷轉眼一年春
此日書驢券仍同下第人

贈魏 世倣

每憶金精天外峯
易堂書卷閱春冬
竹林舊侶嗟零落
喜見青雲阮

仲容

送周二之海陽

簷花對酒五蟾蜍此去郵籤萬里餘湖水東西仙令宅帆檣來往海
人墟炎洲雨過香蕉子夜枕潮迴徙鱷魚後會竹林期莫定相思天
末意何如

送劉郎中守思南

劉郎別我玉河灣笑縮銅符領百蠻千騎上頭殊不惡峒花狔鳥滿
溪山

紫藤花下作

首夏花信終月閏又開朔彝尊濕雲來遠岑密雨溜斜桷周簣雖違
登覽興且喜氛垢濯彝尊軸簾納餘清叩戶鈔重較簣甌香碾新團
滴古濡散卓彝尊虛齋愴無事晚霽意蕭邈簣高蘿何年植老榦惜
崩剝彝尊杪春發新條青翠纔一搦簣有如荔含苞又若烏破殼彝

尊籠陰忽蓋瓦落格漸成幄篋五髻瓔珞垂羣玉玲瓏琢彝尊榮悴
迭後先土膏異豐确篋幽賞人未齊暖游蜂已覺彝尊將尋條鈴護
毋使雀豹啄篋寫生畫史爲配饌食經學彝尊故鄉南湖南風景別
燕涿篋濃陰壓兩岸虺蔓掃船角彝尊鷗鳧雜坐臥鰕蜺恣撈捉篋
何爲久滯淫來往昧鳩鷺彝尊酒罷花亦殘擁衾歸夢數篋

送張嶠宰淄川

般陽城下記曾過負郭分流左阜河相送履鳧仙令去恣聽驂篠短
童歌簾衣晝靜花應滿書帶春來草最多暇坐西堂官燭夜吟情可
憶舊羊何

往事沉吟十九年潞沙津鼓解連船河豚菰筍丁沽市海燕芹泥鈞
突泉歧路東西頻遠隔故人意氣劇相憐青藤絡格繁花紫涼月紛
紛話別筵

遲湯上舍右會不至

檉葉綠如繖藤花紫滿簷望君君不至惆悵下廳簾

題王給事

又且

過嶺詩集

邵陽王郎煥羣雅披垣退食吟最工關西作者僂指數比於二李

討檢

因篤明府念茲

誰趨雄昨年使車踰嶺表笙歌鹿鳴聽乍終滿城象犀總不

顧迎潮直渡東官東循州洞天福地兩羅浮近與泉源通晴峯四百
三十二一一捧出青蓮蓬砂牀泥融坐啞虎竹葉篆古書秋蟲千年
鹿跑草淺淺五色雀舞花濛濛盤游飯罷石樓去羣仙或請銘新宮
偕行況有屈道士

大均

留題肯使莓牆空此鄉寶玉人所羨珠圓貝

紫珊瑚紅王郎歸裝乏長物僅束詩卷藏髡筒解船下瀧指湖口餘
興復入匡山中僧房五百恣登歷短筇輕屐隨樵童三條石梁貫員
闕一匹瀑布拖長虹王郎得句轉清越墨花漬壁磨鉛銅攜來都亭
曾幾日傳抄奚啻十數公要知能事久服習矢人之矢弓人弓邇來
詩格乖正始學宋體製嗤唐風江西宗派各流別吾先無取黃涪翁

比聞王郎意亦爾助我張目振凡聾覽茲過嶺集百過豈有癥垢堪
芟聾往時屈道士游越山行水汎酬和同自從判袂廣武北十載夢
寐懸江楓冲虛觀前斗壇在可有鄧嶽留葛洪投詩王郎并寄屈惜
無萬里南飛鴻

題賈院判 鉉 畫荷二首

亭亭紅豔立清波殺粉調鉛不在多却笑崔徐思憔悴鷺鷥汀畔寫
枯荷

黃塵六月倦鳴鞭苦憶中吳鴨觜船夢入篷牕聽夜雨半江風葉枕
函邊

竹爐聯句 并序

錫山聽松菴僧人性海製竹火爐王舍人過而愛之爲作山水橫幅
并題以詩歲久爐壞盛太常因而更製流傳都下羣公多爲吟詠圖
既失詩猶散見於西涯篁墩諸老集中梁汾典籍仿其遺式製爐恆

歎息舊圖不可復得及來京師忽見之容若侍衛所容若遂以贈焉
未幾容若逝矣丙寅之秋梁汾攜爐及卷過予海波寺寓適西溟青
士愷似三子亦至坐青藤下燒爐試武巨茶相與聯句成四十韵明
年梁汾將歸用書於冊以示好事之君子

西神峯連延龍角汎泉歎孫致彌桑苧次水經第較中冷遜姜宸英
山僧寡營役谷飲遂夙願朱彝尊跣跌長松根風來耳垂鬢周貧都

籃選茶具一一細莎頓

張祐慧山詩
重街夾細莎

顧貞觀舍彼陶冶工截竹等辦

輦致彌附以紅泥團其修僅扶寸宸英坎上離于中下乃利用巽彝
尊微飄颺颺入活火燄燄煖貧初聆檜雨喧漸見魚眼踰貞觀紫筍
舒萌尖乍點湯色嫩致彌王郎穿竹過愛接支許論宸英解帶磐石
間素瓷迭相勸彝尊欣然愜所遇伸紙隨染渲貧濛濛巖亭瀑歷歷
水田畷貞觀短短茅覆屋茸茸荻抽籬致彌橋欹乃有路門闢或無
槩宸英林壑雖未深埃埽頗已遠彝尊流傳盛新詠羣雅足彝憲貧

或爲篆籀隸若盃鬲敦虜貞觀或爲真行草若繇靖羲獻致彌穆如
清風作舉一可當萬宸英嗚呼百年來精廬窟羆獮彝尊曩時所珍
物零落委荆蔓貧吾家鱸塘側想茲恆繾綣貞觀形模授巧匠高下
仿遺援致彌所惜七尺圖慮爲塵土空宸英開篋逢故人輟贈得右
券彝尊羊脂鏤躑玉獸錦束腰綦貧譬諸延平津劍合始無恨貞觀
俄驚鄰笛悲永歎壑舟遁致彌蕭條黃公壚歌哭與俗溷宸英是物
覩者希五都絕市販彝尊今年吳船來載自潞沙堰貧徙置青藤陰
旅話破幽悶貞觀質比蓮芍輕形嗤石鼎鈍致彌小勺分宮時頭網
試甌建宸英忽憶秋水生乘此風力健彝尊逝將挂席歸耦耕師下
溟貧毋令石牀空兼使夜鶴怨貞觀

送吳漢入太原三首

孃子關西木葉殘煙霜回首井陘寒馬頭不改團團月絕壁韓詩拂
蘚看

并州山繞崛巒蒼桐葉祠前柏幾行
蘋號長生水難老憑君抄入篋

中方

周郎

在浚

近在蓮花幕點筆題詩興不孤
暇日經過煩問訊硬黃曾

搨石經無

送毛檢討

奇齡

還越

一舸全家去層闈別袂分孤生倚知己
衰老感離羣曉雨千門散新
泉五插聞花光晴澹沲峯翠遠氤氳
祖席愁帆影回塘蹙水紋語多
兼往事觴罷判斜曛少日偕簦笠遺
書索典墳扇邀王內史舞起謝
將軍夢筆橋頭月捫蘿磴口雲徵歌
依趙瑟瀆墨灑羊裙午爨柯亭
竹秋眠蕙帳蚊俄驚鄰笛弄頓使酒
船焚失路栖淮浦逃名適汝濱
易穿東郭履慚勒北山文燒尾同華
讌傳甘並紫紉四聲研沈陸六
義續河汾闡樂園官送朝衫小婦熏
香奩詞悵悵錦瑟淚紛紛爲折
章臺柳翻辭祕省芸空林憶援鶴舊
社返榆扮到及湘蕪美閒看越

鳥耘朋箋存笥滿麴米注牀醺宰相陶弘景神仙鄭巨君行藏應自料不用問靈氛

題喬侍讀侍直圖

朵殿簪毫入千門露未晞臣心勤夙夜

天意慎幾微

慎幾微本房御書扁也

細細香生幄瞳瞳日滿衣非君諳掌故奏

事直前稀

題項秀才

奎

水墨小山叢桂

少年席研項生同每到秋行桂樹叢今日天涯展圖畫忽驚身是白

頭翁

程侍郎江山臥遊圖

啓禎之際南北派書有董米畫崔陳青溪先生起奪席二者並妙稱絕倫一水一石弗漫與尺幅價直雙烏銀今觀此圖著色老筆與黃鶴山樵親蒼茫又類井西作林霏晻靄泉洄淪近來仿古求貌似疊

石細碎添苔勻先生畫意不畫象驅使二子窮其神雲霞石淙開四面一一鼠尾丁頭皴山根木閣看最好安得買斷居河澹四門博士重手澤請我跋尾歲在寅其冬偷兒鑿我壁室無泉布牀無茵惟存文史五千卷手摩插架擲撇頻此圖幾失幸不失留置愛玩絲冬春朝來灑墨賦長句書報博士遲無嗔

送陳上舍

曾藪

還杭州三首

門外驪駒莫便催紅闌亭子上行杯誰能北地三年住不憶西湖一舸迴

貓頭新筍長林扉雉尾香尊礙釣磯船到水仙祠下泊更無塵浣藕苗衣

官閣垂楊水寺燈城隅處處結魚罾舊游白髮幾人在應笑歸遲張季鷹

顧編修

藻

以橄欖見遺賦謝二首

疊果青於棗，嵒含狀最工。紅鹽齊落子，翠竹遠開筒。愛惜教頻數，歡娛忘屢空。要知君子意，獨許歲寒同。

絕勝餘甘樹，來從荔子村。玉盤盛最好，青箬裹猶溫。酒後酸漿別，茶中俊味存。清香留改歲，試配煮河豚。

飲遂安毛檢討寓齋

城隅燒尾宴，曾同六載重。來就菊叢珍，重故人今夕。會招尋猶念一

漁翁

題蔡修撰早朝圖

遮莫鬢鬢畫，鼓頻披帷風。定燭如銀繡，墩只許狸奴。臥辛苦妝臺，攏髻人。

周上舍篁夜過

溼酒凍春碧，萊雞蒸栗黃。醉眠無不可，西舍有繩牀。

鱸魚同魏坤作四首

水面曾排赤馬船
纖鱗巨口笑爭牽
吳孃不怕香裙濕
切作銀花鱸可憐

微霜一夜柳湖東
楊柳絲黃兩岸風
不信輕舟往來疾
筠籃驗取四鰓紅

已脫朝衫分卜耕
劇憐鄉味算歸程
秋風彈指今年誤
輸與江東老步兵

翠網千絲白玉跳
蜀薑鏤切韭新苗
背篷圓笠平生慣
準擬抽帆第

四橋
強圍單闕

寶晉齋研山

有石產京峴
近在龍目灣
周篋外史火正後
愛好怡情顏
彝尊棧分巖穴岫
垢洗黃朱斑
篋看千仞峯
勢拔方寸間
彝尊亭亭華蓋倚
隱隱卻月彎
篋岡巒各殊狀
一一相迴環
彝尊其下陷
深窪鬚髯龍

所寰貧有時風雨至大小青來還彝尊玩物不在多對此形神爛貧
以之易園廬勝絕臨江關彝尊觀其賦詩意猶自心偏慳貧年深異
顯晦幸未委榛菅彝尊君家藏四葉冷光古益黷貧且以娛寂寞豈
復論銖鍤彝尊舉世重黃白孰營几上山貧好語玉蟾蜍勿用清淚
潛彝尊

附 米海嶽研山歌爲朱竹垞翰林賦

濟南 王士禛

海嶽研山不可見人間空說研山圖研山之圖亦遭燬雲煙過眼
徒嗟吁宣和良嶽已塵劫矧乃片石輕鎔銖永嘉流落幾百載昭
陵玉匣今亦無詎知神物有呵護星芒夜隕三天都太平宰相威
文物寶此何啻千璠璣

石初藏許文穆家後歸朱文恪

古藤書屋花未放主人愛

客招吾徒眼中突兀忽見此乍疑几席羅衡巫壺中九華那足擬
仇池枉用誇奪蘇三茅地肺互鈎帶二華雲氣相縈紆蛟龍屈蟠
待雷雨仙靈髯鬣迴軒車華蓋一峯獨秀拔宛插玉笏翹犀株翠

巒玉筍左右列
雕尻股脚相欹扶
上洞下洞闕曲折潛通小有涵
空虛龍池幽窈驗兩候頗疑中有驪龍珠峯獨者蜀屬者嶧上泉
有埒下有瀟座客摩抄三歎息蒼然古色生眉須海嶽之菴書畫
舫幾伴此老浮江湖巧偷豪奪歷千劫閱盡春秋如螻蛄翰林好
事過顛米日餐蛾綠忘飢飭滄江夜夜虹貫月莫令光怪驚菰蘆

懷汪進士煜

人日梅花落懷君過嶺時安牀紅豆底日日坐相思

喬侍讀萊

一峯草堂看花歌同陸

嘉淑周質姜宸英錢金甫

孫致彌查慎行

湯右會陳會蘇賦

疾風經旬不出戶
獨客嬾過三眠蠶
今朝風定塵塋減
女牆翠湧西山嵐
修門池館綴金碧
鑠柵未許停羸驂
主人新拓百弓地
中園卉木吾舊諳
天桃濃杏雖已落
海棠乍坼丁香含
初疑徑闢過者少
早有勝侶齊幽探
新松四尺挂席帽
炙具一束攜荆籃
絲頭毯展午陰

直婪尾杯泛冬醪甘今年春較去年晚花信十猶餘二三長紅小白
枝尙亞雄蜂雌蝶飛相參酒闌回憶壯年事於此晨夕朋盍簪燒瓷
甕頭臥畢卓蠟板曲子歌何戡滿墀明月露濯濯繞屋垂柳絲麩麩
十餘年來五易主魚牀潦盡成枯潭茅亭崩剝泥暗裂有若燕子留
空龕仙源重過豈易得惜花老去心逾貪韶光三月忽已盡牡丹將
吐房山南綠囊紅襍水精域鹿女微笑狸奴酣相期雙屐履著謝客更
借一鶴騎盧耽諸君偕游恐不遂試與二老評花擔

謂周陸
二子

同作

嘉興周貧青士

九十日春不可駐玉河稗柳青漸濃官溝滌穢難墊足何處得看
林壑重客言侍讀新築好紫丁香結千枝穠辛齋竹垞吾老友不
嫌策騎參支筇查生

慎行

叩扉湯生

右會

起顧我一笑偕過從是

日天朗惠風細晴絲冉冉煙茸茸莎亭擁腫敵四柱花氣遠接檐
前峯縛樹老藤更夭矯如割左耳奔乖龍縹囊欲拆尙未拆已見

小尾游黃蜂主人朝回跋草履揖我得覲冰雪容食單藉地任箕
踞脫略禮法便疎慵騰觚凍醪贖百末釘盤雜果儲三冬吾家長
水塘一曲白鵝繡鴨紛游溶油菜花香蠶豆熟貓頭筍迸芹泥鬢
爰基山東審山北麴塵波暖浮方艸撫琴久已謝宗炳鑿穴今復
輪臺修自從騎驢入燕市魴鯉去沼鷓閉籠得閒曠論廁坐末一
洗膠固從來胸銀絲切鱠韭登俎更留午飯餐冬春何當清暑復
來集醉看夜合花惺忪

棗花聯句

棗花香細細亂結春風闌絲致彌旣免纖手摘寧邀上客看周簣燕
郊得千樹吾將老園官彝尊

王翬畫二首

王郎手摹一峯畫宛似張顛作草書鼠尾皴山鴉點樹只今能事有
誰如

帝城日日足風霾
眯眼黃塵漲六街
對此溪山最清絕
便思衝雨踏
樓鞵

王翬老去畫尤工
橫幅吳裝仿惠崇
會記北高峯上望
村村風景似
圖中

檀聯句

有木生庭隅入夏翠陰發
周篔簹卑枝易妨帽密蔭
恰承鞵絲致彌重
露一以晞微風久不歇
彝尊皮乾敲殷赭花瑣補
禿缺篔簹色籠澹汙
天影漏惺忪月致彌遮
門肖水松驗雨促耕垡
彝尊莖小舞蝶翻脂
香行蟻窟貧其身異
椈柏其產徧揚越致彌
豈惟敵雪霜兼可蠲宛
喝彝尊痰疾蒞子除
椈槃匠人厠篔簹是物
錫嘉名肇詩皇矣曰
致彌爾雅配蟲魚圖
經繪苗髮彝尊過從
每淹留愛護勿翦伐
篔簹森森掃庭
萼淺露鷺骨致彌
清談自亭午離坐
到日沒彝尊雖非
郊野居且免土蓬
勃貧況有易釀沽
把殘恣百罰致彌
箕踞獨樹根狂哉
酒

檣杵彝尊

萬柳堂同沈秀才

蕙纒

對酒作

亭徹沙逾擁橋欹路轉迴自從疎傳去懶逐葛疆來稗柳春重徙新
荷暑未開故人留旅話仍勸竹根杯

畢上舍

大生

止酒經年冬夜枉過勸之復飲賦三十韻

畢生本酒徒系沿銅陽卓長筵慣分曹專與大戶較傾壺滿觥船鬪
力出捲握選格拋牙骰射覆探雀鷄勇哉氣如虎可奪力士稍初愁
鼓鑿鑿俄至雞喔喔一朝忽不飲客勸輒驚違人或強之坐竦身等
山嶽甘令宛衫袖不復顧謠詠自從斷酒來月改十晦朔問之何以
然其志在困學僧寮止容膝居若蝸負殼一盃黃虀酸一燈青豆爆
當其夜分倦欲睡乃翻覺漆鬢添初星丹顏損舊渥入秋試不利泣
抱楚和璞羣飲徒揶揄背面肆評駁獨醒亦何苦羌不如醉濁北地
釀法多滄易通薊涿茲非禁酒國況弛官務權胡然守枯槁血脈久

淫濯生來恆鬱鬱我見尤爆爆是夕風最寒冰簪挂斜桷西市買山
麋東市買海鯪此時浮一錢亦足忘蹇剝生也聞我言相視忽而曝
有如魚含鈎又如鶴受鋌紅文螺曲房黃支犀斛角沛然決江河豈
能塞一璞詰朝客來尋仍向壻邊捉

畢子飲二十杯而腹痛復欲止酒再以詩示之

我歌勸生飲生醉我亦眠繩牀一牆隔聞若呻吟然殘燈撥餘燄夜
半衣重褰問之臥欹側欲語哽在咽手摩腹與肚抱痛青兩顴歷鹿
車轂轉往來梭腸穿良久始起坐絮被遮寒肩答云我祿薄福過災
則延緘之苦不易一夕敗終年飲啄各分定造物信有權譬諸再嫁
婦羞澀塗脂鉛譬諸黃面僧破齋烹肥鮮旁人笑且侮瑟縮難自前
麴蘖伐性斧自此仍棄捐主人忽大噓物理生未研八尺士皮肉以
腰分地天藏府應音律經絡貫源泉江河漳滌流夫豈可涸焉古聖
作醪醴服之斯萬全後來止酒徒託辭匪真詮奈何屏杯杓委腹爲

枯田數升下喉隴反若湯沸煎陷河湧越嶠谷水淪由拳此如囊裹
漿暴下乃得痊及其潤既燥百骸自安便金平水靜順豈復重崩騫
來朝生且住剩有又頭錢再爲生解醒清聖濁亦賢不聞朔風號雪
虐層冰堅地爐擁終日與我常周旋

送葉參議

映榴

督儲楚中

國家歲漕粟千里連舳艦上給 宮府用下充軍國需以之實 天
庾寧曰此緩圖先生富才術文與東馬俱道山橐筆入粉署含香趨
單車采秦風奉席感羣儒

天子眷南顧特借司轉輸荆襄漢沔間土沃田膏腴歲或不登天
下皆饑吁吾賢開濟策足使民困蘇暇日登南樓俯瞰赤欄湖武昌
柳百萬翠色兼蘅蕪臨風興不淺高詠無時無歲晏一相送欲別愁
須臾南魚北有鴈冀慰心煩紆

表第查二

嗣璪

至都過古藤書屋留宿作詩二首依韻奉酬

鹽官人到逼殘年贈我吳興十兩絲肌粟頓消生暖後鬢絲相視入
愁邊醉拚把殘循環飲倦便安牀曲尺眠玉桂國中來底事開春同
縛送窮船

別時花藥發春壇五載離居感百端一泝武溪行楚道兩浮炎海狎
珠官蠻中土俗諳王範篋裏雲山奪范寬此夜劇談高燭換北風頻
送漏聲寒

冬日陪徐副相

元文

姜著作

宸英

游大房山出郊雨雪馬上

作

蓬勃東華塵窈窕西山容二者各有宜強之心不從徐公脫朝簿姜
子淹旅蹤期我大房游捫葛攀長松茲山我舊歷不憚寒飊衝車中
三升榼馬後九節筇誰能先花時蠟屐乘清冬雨霰雖載塗相顧多
歡棕雪色妙渲染一峯殊一峯明當踏霽日遍覽金芙蓉

止孤山普濟寺

曉辭盧溝河暮踰韓姑砦荒榛取綫路亂塔湧香界峯迴削峒爰水
涸失涔派啞啞飢烏集簌簌病葉敗返景寒易收陰厓暝逾怪俄而
樵歌歇近寺響僧唄言投水晶域棲止得所屆山鉅温凍釀冬窖出
秋菜坐久霜月高起行猶未憊逍遙青松陰於心豈不快

入上方山

山心夜不寐凍雀喧前牕香廚卯飯熟傑閣晨鐘撞柅車束櫪馬各
雇輿丁雙彎環柳捲椅夾以棗木杠舍村入坡陀百折循崆峒萬古
此積石山農絕耕糞短松走長根老樹撐空腔徑盡緣仄磴險過梯
雲杠置身縹緲間若掉都盧幢層軒坐僧榻喘定心猶懽

一斗泉

昔尋一斗泉俯睨千花塔壯歲不知疲三日行兩巾重來筋力倦十
五換僧臘已擠百骸困猶幸半踵納崖傾旋曲蝸石扁鏤文蛤雨暘
迭晦明龍虎互乖合忽焉松門在茅屋向斜搭短綆汲澄泓微風吹

颯沓精廬憺忘歸惜未攜酒榼向下招游朋仰視笑不答

兜率院

幽燕古奧室兜率居中巖花宮七十二下上東西嵌六時響魚鼓四面圍筠杉沙泉細流續石壁遺經劓欲探乳穴勝改著短後衫其中路竊糾其外雲封緘百千羊須珠往往乖龍銜所嗟脚力弱畏此高嶄嶄山僧飯我腹朴野言多儂嗣歲期重過同把黃獨鑱

望摘星陀

梯頭歷上方崖內平挺挺其西叢木杪樵路乃荒迴蜿蜒衆山伏崩另一峯挺誰燒陰陽炭鑄出火風鼎旣絕鸛鵲棲兼少麋鹿麕何年運鬼工於此置屋並遙想層雲巔六月亦清冷况當密雪零夙宵斷杯酪天逼寒棱棱星壓光炯炯自非鐵頭陀安敢居絕頂

鐵頭陀金山時高僧居

此山

中院

天開寺中院舊在沙河南應公昔來棲會立水磴三河流今已徙亂
石堆枯潭孤碣當麥壠頽基迷蘿龕同游各下馬考古性所耽劃苔
讀遺文其體國俗參紀年稱虎兒草昧典未諳采之入舊聞亦足資
客談攢筆抄乍終日隱西峯嵐添我蒙茸裘寒色齊回驂

東峪寺

孤山指慙題馬力苦顛跋堯夫云一舍五十里始達不知深山中地
志誰所括亭午入東峪僕飢主亦渴寺門依白楊風葉滿頭脫牆西
五墩古階下一水活竹爐拾墜巢茗盃收棄盞蕭然此時意百累皆
可割修塗驗短景揮手謝禪闈回聽星星鐘流響在林末

西峪寺

層層金仙塔宛宛白帶山西峪在其下梵刻扁重關經始齊隋代斷
手金元間千春闕不發爲計誠陰姦九經勒咸陽響搨流人寰乃知
慈氏隘未若儒者爛土花填石闕鉛汁灌戶櫬有時野火燎豈得恃

堅頑我瞻雲居寺磴險不可攀翠微未及上已足舒心顏

甘池

涿水魚重脣甘池魚一目涓涓六七竇羅注滿陂谷淺漾苔衣斑深
含苻帶綠清泠下浴鳥遠近來飲犢河北將軍祠臙臘走巫祝不知
何名姓遺像猶在屋秋晴秔稻香日至甍麥熟匪因水泉利何以具
饘粥東度白石橋沙行背山麓村醅解留人風幔青半幅

六聘山中弔晉處士霍原

昔有霍處士居涿西山陽弟子半千人大小開巒堂六聘節愈堅義
不干侯王無端豆田謠乃受彭祖殃紛紜永嘉末鐵騎樓武鄉伏尸
出藏戶繫之如驅羊殺機本倚伏善人安可戕我來後千載覽古心
盡傷祠墓久摧沒末由酌椒漿縹馬白楊樹旋馬黃茅岡

瓦井

瓦井社北東中田卵塔七叢叢蒺藜中高下如卓筆傍有石鐘幢各

志歲月日比丘守司徒榮祿大夫秩當時崇國師此輩盡驕佚非惟
混釋儒兼亦亂名實奈何茶毗後公然肆刊述粵漢兩燕王改葬蹟
遂失樂毅及霍原遺冢莫可悉彼亡茲乃存物理信難必

欲尋孔水洞不果

晚投故砦宿晨別羽士家欲尋孔水洞村路迷三叉傳聞蹟最勝自
昔圖經誇怒衝砦确石晴響霹靂車層層落暗穴湛湛深窪每當
三春時流出天桃花仙鼠舞白日文鱗漾銀沙我思窮其源惜哉無
古槎僕痛促歸數未得探幽遐立馬長店岡心仍戀峯霞

詠古二首

漢皇將將屈羣雄心許淮陰國士風不分後來輸絳灌名高一十八
元功

海內詞章有定稱南來庾信北徐陵誰知著作修文殿物論翻歸祖
孝徵

寒夜集古藤書屋分賦得火箸

我昔誦茶經其具得火筴圓直無葱臺修長過銅銓是物最末微尋
常付竈妾偶爲桑苧詮詎錄香山帖自來京城居七度脫林葉窮陰
朔風號聚沙眯樓堞南人氣柔脆土炕意不愜墻戶類蟄蟲曲身苦
跣摺握火置甑爐聊以慰胸脅燕俗饒栗薪市者病遠涉虛傳紅螺
產罕致白炭竄爆急燎竄須烟騰淚棲睫箸也誠要需取用便指捻
制以偶勝奇力惟同乃協出入炎燄中身手洵趨捷有若赴敵場擒
馘恣所挾峙立必雙聳倒臥亦並接須臾不相離無以異鷄鶩留之
載都籃配以紙黏箠持喻同心人歲寒入吟篋

題喬侍讀小像

宛轉溪橋浴野鳧城隅瀟灑得重湖少年背面休相笑憔悴何曾似
左徒

食采玉山藥

窮冬旨蓄盡客至我心痲彝尊打門門者鷹擔僕走汗背查慎行周
遭解村綯磊落倒僮帚浦越喬土蓄二尺強愛惜煩點對吳卜雄冰
須截柔膩井灑洗麤穢朱昆田未許餅盆藏亟勒釜鬻漑查嗣粟酸
鹹百無功水火兩不悖彝尊炎炎力通透勃勃氣洸潰慎行中筵出
佐酒扶寸陶盤內越喬紋皴蛇跼斷衣滑兔褐退卜雄軟嚼便牛飼
饑叔鬪烏喙昆田是物種實繁厥產徧陽昧嗣粟其葉不足憐其花
不可佩彝尊孔林殷而瘦禹穴白而儂慎行或如佛手擘或如龍卵
碎越喬方經炎帝收藥錄桐君載卜雄詎若采玉本品格壓儔輩昆
田水芋山慈姑味劣遠難配嗣粟

宋僉事

學

園亭雜詠六首

淥波村

照碧堂前水分流穉稚村築場移碌碡繫艇到籬門

寒芰梁

古藪曹風八烟辨火管

背郭十畝園滿陂種水栗浴鳥游清冷人語忽飛出

釣家

芙蓉以爲裳女蘿以爲帶釣魚師得魚沽酒夕陽外

和松庵

微風起中林調我松下琴黯黯太古色泠泠太古音

放鴨亭

渚荇抽新碧園桃吐小紅莎亭長日坐不引竹枝弓

緯蕭草堂

草堂何所營志蟹譜漁具夜分汀火紅點點出深樹

曝書亭集卷第十三

學書法與書法十三

...

...

...

...

...

...

...

...

...

...

...

昔淳十始園新刻對木果公為流散飲人語恐乘出

曝書亭集卷第十四

秀水 朱彝尊 錫鬯

古今詩 十三

著雍執徐

次查上舍韻送楊侍郎雍正還里四首

吾愛吾鄉少司馬乞歸躬養太夫人 聖朝孝治容將母元老功成
合引身篋裏詩篇行處有道傍歎息見來親計程一舸鹽官水到及
陔蘭滿眼春

夜舫朋箋晝賭棋昔游嶺表共栖遲頻過韋幔傳經地尙記潘輿置
酒期南北幾回分手路升沉相對滿頭絲今朝遇我歡心劇不異蠻
天捧檄時

橫浦先生舊里居爲園郭外儘堪娛人家戶通舟楫藥草村村盡
畫圖坐久春禽啼滿樹朋來臘釀勸傾壺更饒入饌江魚美添買臨

平半頃湖

僕指東華九載過罷官歸計尙蹉跎最憐老友忽忽別不惜衰顏夜
夜醲酒倒三餅猶恨少夢隨千里自今多早春也擬輕帆下更嬾金
臺獨放歌

任孝廉

坪

以家釀苦酒見貽賦詩志謝效孟東野體卽送其

還高密二首

步兵游竹林左徒吟江潭思古憔悴人舍酒何所耽東海任公子遺
家醞一甌味苦炎上作色黝封中涵一酌我顏赭再酌我身酣三爵
矧多又醉枕南牕南自哂同蓼蟲食苦翻知甘

竹苦四味齊蓮苦寸心撥瓜苦斯有敦草苦亦可捋周原美董茶越
女采蕺葛以蒿漬冬醅香味勝百末自來頌酒人豈爲甘旨奪

於越百花露味重杯慵銜維揚五加皮飲之漸作鹹詎若膠西釀可
以解清饑君今馬首東讀書歸舊巖暇看糟牀注飲略手自芟儻遺

一尺書方法試我緘

送吏部侍郎張先生假旋京口六首

袞袞諸公歲九遷先生何事賦歸田不愁關吏饒如虎一葉官河放溜船

便門東去柳依依一路垂絲埽石磯青眼年年長送客幾人生擁八騶歸

汶濟分流照畫舫中丞問俗向來經山東父老應傳語雙鬢依然舊日青

清淮泛濫濁河淤鴈戶飄搖少定居厝火積薪曾上策至今太息雒陽書

真州柁轉卽金山曉挂蒲帆十幅還總是當年釣游地詩牌細拂蘼衣斑

墓田丙舍鍾絲帖京口谿山米芾居十丈紅塵吹不到江樓日日倚

南徐

偶成

三月東風何太狂塵沙黯黯天茫茫主人十日不出戶空園花落無
丁香老年逢春須愛惜悔不走馬看花忙無事獨坐宣武坊吾家茅
屋長水旁舍南有池舍北塘荷花草紫油菜黃鱸魚上鉤四寸強矮
貓筒肥錦裯脫新蠶豆熟青莢長客何爲不歸故鄉好約比鄰沈十
二進
薔薇架底醉壺觴

杭州水利不治者累百年矣巡撫趙公考城河故道悉濬治
之鄉人來迷喜而作詩凡二十四韻

武林古澤國十八澗九溪當年宋宮闕溝水流東西陳迹漸已湮深
谷皆成蹊民居日湫隘編竹兼芘葑猛火一燎原悲燄百室迷塗徹
大小屋繡井愁難躋女丁配夫壬相顧但愴悽吏治徇目前孰能防
禍梯中丞溢世才利器剗水犀下車命丞倅故道資考稽率錢具畚

鍾曾不煩鉏犁經始底告成歲序尙未睽坐令闐闐間無異蘇白隄
紅闌鴈齒列赤石羊肝刲嘔啞小航船蹀躞快馬蹄停鞭市蓮藕倚
檻來鳧鷖柳陰穀犬鳴露脚莎雞啼祝融迴其馭婦子方安栖乃知
濟時策不在拯顛濟公之治水術豈獨過白圭泉清原隰平各與召
伯齊我家由拳城閭巷多蒿藜願公祛墨吏如決濁水泥上以答
天子下以寧羣黎

送柯孝廉維楨之蕪湖

劉蕢下第原風漢王粲依人復遠游舊履尙存尋赤鑄殘書又抱去
盧溝春槽酒熟沙門店夜柵檣平估客舟儻得黃金休易散歸時須
築小丹丘

紫藤花下醉歌同查上舍弟嗣璫賦

客舍紫藤長數尋
欵蔓年多半枯槁
往歲丰茸莖太密
花事去春翻
草草今年二月呼園丁
三百銅錢費除掃
雖然芟後花較遲
漸見含

苞同蕨腦檐牙朽株換棚格井牀新汲傳栲栳景最低垂香細細游
絲不動日杲杲鈎簾忽驚啅雀去仰面生憎土蠶抱越州老酒吳船
來小榼偏提恣傾倒頭銜久矣脫朝簿那問鼕鼕鼓昏早惜哉筋力
日已疲惟有花前不知老停杯還憶故鄉路亂水穿沙入裴島千章
古木藤纏身飄落繅英滿衫襖明年期爾橫漲橋上所居柔櫓嘔啞撥
萍藻綠陰共聽黃栗留醉臥櫂頭船更好

爲錢給事

晉錫

題王給事

原祁

富春大嶺圖二首

記得山城水閣添畫眉聲裏晝垂簾還憑同省王郎筆暖翠浮嵐五
尺縑

富春江上雨溟濛兩岸花開躑躅紅髣髴舊游如畫裏一帆曾轉釣
壇東

吳徵士還蒲東魏上舍還嘉善集古藤書屋話別聯句

握手古藤下秋深旅愁積歸來西溪傍猶及種春麥吳叟我亦袖輕

鞭明發辭紫陌倦鳥不同飛各自張旌翮魏坤二子澹雅才肯爲時
俗役英辭迭相應如以桐叩石陸嘉淑柳塘水濼濼蒲坂山驛驛改
歲君到時古藤花滿格查慎行大防一斗泉釀酒冰雪白酒熟君不
來落花良可惜彝尊

送楊侍郎燾還東湖

一謫金門住五年羨君容易早歸田他時願結香山社八口先浮潞
水船秋鳥炙來鄉味好月波釀就禁方傳桃枝況有仙人母同注真
靈位業篇

秋日萬柳堂同譚十一給事瑄沈秀才蕙纘龔主事翔麟同

賦三首

亂水秋無路復輿入壞垣粉銷題壁字落浸插籬門蟲網捎衣桁魚
牀齧樹根頻來曾不厭觴詠舊游存

撲棗過頭杖裝絲短後衫沙平攜小榼徑遠罷長鑱古塔疎林出遙

峯夕照銜蕩舟無不可只少布爲帆

積潦沉官柳迴流限女牆白鷗來款款黃蝶舞悵悵鄉曲情無改行
歌醉不妨城南咫尺地想見野雲堂

馮檢討招諸同年集六枳園對菊卽席分賦得顏字

可怪南鄰馮檢討酒錢肯爲謫官慳盡除簾額虛牕白亂插籬根細
菊斑新雨不來那在眼故人相對且開顏近年同脫趨 朝籍漏鼓
頻催獨後還

贈許容

今之官印古璽節漢制斗檢封略同周秦以來鑄私印往往撥蠟銷
金銅會稽王冕易以石細切花乳桃皮紅青田山根凍玉斲稷下里
石舊穴空羊求休嫩大松老其餘麤惡不可礪往時長洲文博士刻
石頗有松雪風墨林天籟閣書畫以別真僞鈐始終吾生好奇頗嗜
此碑磔犀象羅笥中徐貞木亡鄭埴天尙有程邃留江東故人衰病

遠莫致縱饒玉石何人攻如臯許容近過我手出圖譜重錦蒙古文
離離雜鍾鼎爾雅一一詮魚蟲乃知六書得其故大小繆篆能兼通
相斯史籀各具體左蟠右屈何妍工合肥尚書龔端毅公最賞擊紛紛朝
士傾詩筒吁嗟萬里十年別一官不達翻途窮低眉強隨抱關吏失
足幾陷鮫人宮重來歎息舊游盡酒錢燕市何由充容今髮白我耳
聾瓜牛舍近地百弓日長莫學打睡翁相邀硬筆寫獵碣夫豈不如
薛尚功

題畫送徐檢討鈞還吳江二首

三高祠下水溟濛紅蓼花香一笛風驚起沙鷗定相笑黑頭未稱作
漁翁

不貪臺閣送行詩索我尊前折柳詞合喚菱舟付菱女更吹漁笛教
漁兒

屠維大荒落

二月自古藤書屋移寓槐市斜街賦詩四首

穀鯨車輕簸兩輪殘書禿管雜勞薪移居絕似村夫子寫入圖中儘
笑人

莎衫桐帽海樓鞵隨分琴書占小齋老去逢春心倍惜爲貪花市住
斜街

阿鏐秋去又春殘遠信封題萬里難不道衰翁無倚著藤花又讓別
人看

屠門菜市費羸驂地僻長稀過客譚一事新來差勝舊昊天寺近井
泉甘

上巳集南城祝氏園聯句

六年人海中襖飲恆不果尙書忽相期折簡起疎慵彝尊並轡城南
隅地僻少塵堞入門愛團瓢登閣見馭娑崑山徐乾學原一山橫雉
堞上水洩龍湫左隄柳金乍含闌藥紅未妥崑山徐元文公肅雖乏

三徑幽恣攜十榼可北酒雜薊滄南烹屏蒜菰彝尊日遲宜賭弈場
闊縱飛筇吟或叉手吟坐便鐙脚坐乾學初筵已脫略帶緩頭不裹
既醉席屢移三影照碧沲元文夕曛苦催人馬鳴車炙輶莫愁風揚
沙定有雨潑火彝尊

奉題徐副相祝園修禊卷二首

右軍但草蘭亭序不及羣賢袂禊詩輸與先生鼠須筆春風一一寫
烏絲

一時裙屐最風流擘紙花前點筆收我若當年參末坐便應罰酒似
羊劉

滴珠方勝杵頭新瘦本看來妙入神真跡祇愁容易賺莫將缸面酒
留人

社日登黑窰廠聯句

隗臺久蕪沒薊丘不可梯濟南王士禎貼上雖有千里目將何共攀

躋徐乾學原一佳辰趁新社膏雨融凍畦彝尊早抽紅藥萌漸見碧
草萋姜宸英層坡簇五騎兩壺提一奚澤州陳廷敬子端陟彼積土
岡同駐削玉蹄士禛安房隱曲几藉地分疎萸乾學泉樽酌用匏飯
黍先以雞彝尊既瀝甘蔗漿復堆苦蕒齋宸英微酣恣坦步遐覽窮
端倪廷敬南有松柏林其北桃李蹊士禛亭午風華杳疑是麝脫臍
乾學居人半陶旂門竇皆衡圭彝尊濃薰樹杪煙濁漉水中泥宸英
童娃亦娟勞面目成黧黧廷敬何時得頰濯勝眼刮神篋士禛不見
九陌塵奔車日冥迷乾學吾儕處其中形殊境則齊彝尊相期泛裂
帛瑩拂湖上隄宸英子爲逸少序我續興公題廷敬

題畫二首

宣和舊譜識徐熙猶記都官畫裏詩三月江南看不足

宛陵句也

湖塘花

鴨影參差

數株枯柳倚苔磯話別沙頭客未歸多事錢唐戴文進釣師渲染著

紅衣

朴公書來招游盤山却寄

三盤勝地稱絕衆嶺何峯最尊別後時勞夢寐書來興轉飛翻青松
十里巖磴紅杏千株寺門好雇犢車一兩軟塵碾到山根

題龔主事

翔麟

西湖雨汎圖二首

茶檣酒幔靜無鄰鏡面平波碾濕銀回憶少年歌舞誤烏篷不作獨
吟人

蓴絲菱葉浸魚天十里湖山思悄然疎雨夜眠聽亦好莫因月黑便
回船

徐尙書載酒虎坊南園聯句

夜市燈熒熒晨衙鼓統統試瞻十二衢何人事游覽姜宸英吾黨脫
朝簿甘與世味淡初疑諫果食漸似都蔗噉彝尊駕言適丘園塵慮
益澹澈取徑衣乍褰入門首先領陳廷敬循廊無坦步引緹得危攬

高下屋四隅其中乃習坎徐乾學穿池注欽嵌構草當蒹葭非無鶴
 在沙亦有魚聚慘宸英移情欣鳥音側足避花蒼層樓牕面面遠目
 水黝黝彝尊際此日載揚可以釋愁駮矧饒凍春醪因之瀝詩膽廷
 敬滿酌金屈卮並坐綠頭毯行廚少新烹糲飯有遺糝乾學司寇珍
 庖盈尚慮客顧頷說禮何鏗鏗升車必抱槩宸英上冢冢宰論春秋
 凡例屏趙啖觀其豎一義堅銳不可撼彝尊宰太史述舊聞意欲
 闡幽闇羣書擁戶棟散紙滿箱箴廷敬答太史姜生老不遇其氣頗虢
 顯譬之珠在淵光彩詎能揜乾學答著趨陪固所願賞譽夫豈敢將
 毋饜燔魚嚼及菖蒲歎宸英論議或異同片言取阿媪共此千秋心
 方寸默相感彝尊坐久歸反慵臨分袂再擎起視天壇煙如雲出封
 碱廷敬堂坳雖一杯五月有菡萏相期避暑游復此安竈窳乾學

題倪高士畫

房山潑墨太模糊那似倪迂意匠殊一片湖光幾株樹分明秋色小

長蘆

苦熱聯句

苦熱今年甚幽州亦蘊蒸朱茂凋久無甘雨降惟見火雲升
姜宸英
際夜焦煙合經天杲日恆張遠高林枯白帶淺汧露丹稜
王原最怕
衝灰洞何須堰戾陵徐善河流金口膩山翠畫眉層彝尊
黑螟潛難
見商羊舞莫憑萬斯同新畚荒稷黍遺種慮蝨螞朱儼
零隊分行綴
祠官典故徵譚瑄力難驅旱魃咒乃試番僧查慎行
童女雙丫髻旂
竿五色繒李澄中新妝朱箔卷雜戲綠衣能魏坤虹霓羣
情望塵埃
萬目瞪黃虞稷疾雷無影響長轂但輶輳釋淨憲銷夏愁
無策聯吟
喜得朋翼翔麟盡諳微徑入不待小僮簷湯右曾席帽人
人脫亭欄
處處凭鄭覲袞劇談多野趣苟禮必深懲錢光夔旅跡頻
年共鄉心
觸緒增宸英小航思劃槳精舍憶擔簦茂明白剝烏頭芡
青牽紫角
凌原夕風嘶麥蛰橫港沒魚鷹右曾竹樹濃於畫笆籬密
似罾千家

花滿屋六月稻交媵彝尊自失江村樂翻憐毒暑仍善黃沙隨扇集
白汗比漿凝遠易漬牀牀簟空支院院棚擔稀珠市果價倍玉河冰
慎行槁落含香蕊攣拳裊格藤斯同暗窺蛛網縮乾圻燕泥崩翔麟
戶撤垂簾額餅添汲井繩儼慵尋溫水浴只想冷硯登瑄三葛衣猶
重雙絲履不勝撥書嫌走蠹懸拂倦驅蠅坤祗覺娑拖便誰甘襜襖
稱覲袞到門防客刺無地曲吾肱彝尊亟買泉澆圃同貪草藉芴宸
英酒拚河朔飲茶愛武夷秤澄中返照斜初斂微涼暮可乘原分曹
爭射覆四座百觚騰慎行

曹贊善

鑑倫

移居二首

家具先生有幾車朝來移傍古城窪澄泥小硯題詩處開遍莪葵一
丈花

後園虛閣壓城濠濺瀑跳波插口牢正欲凭闌看洗象玉河新水一
時高

椶鞵聯句

五兩來江市千毛結海椶彝尊澤蒲材較賤楚筍製徒工魏坤健許
踏層碧疎難入軟紅坤老夫還稱此桐帽伴山中彝尊

藤枕

翦就蠻藤細方花織淺深坤香兼沉水木涼勝辟寒金彝尊只合青
奴配何曾白汗侵坤一函容茉莉短髮不須簪彝尊

竹簟

六尺蘄春簟繩牀臥最便彝尊紋同麴塵水滑比砑光箋坤攤飯宜
三伏看棋判一年彝尊物微休棄置歸載潞沙船坤

燈風

暑愛當風坐移燈趁晚涼坤紗縹扶寸闊燭滅一分長彝尊紫鳳垂
垂結飛蛾面面障坤更宜單舸去留照露荷香彝尊

響竹

巧劃千絲竹仍留一尺筒彝尊勁捎梭拂畔密置筍廚中坤搖翅潛
形速先聲逐隊空彝尊莫因餘點墨觸損畫屏風坤

冷布

秋月漚池罷炎風入市初坤暗牕塵繭換方格畫屏餘彝尊賤豈妍
娥織涼宜倦客居坤應逢麻紙笑三葛更麤疎彝尊

油紙扇

本自錢唐製猶存蜀府名彝尊雖殊白羽潔却比素紈輕坤蓬勃塵
難污清涼風易生彝尊翻嗤王內史題字費真行坤

瓦歎壺

舊製惟煎錫新來器上陶坤最愁芳草歇頻課短僮操彝尊病葉分
疎雨珍珠迸小槽坤連筒雖自苦不比漢陰勞彝尊

涼篷

平鋪一面席高出四邊牆查慎行雨似撐船聽風疑露頂涼坤片陰

停卓午仄景入斜陽彝尊忽憶臨溪宅松毛透屋香慎行

竹簾

吳船初解縛燕市喜重編彝尊一綫條條直雙釘戶戶懸慎行鈎時
教燕去疎處恐蠅穿坤布幔旋催換秋風又一年彝尊

送蘇郡伯守杭州

新涼纔報上林秋五馬雙旌發薊丘方鎮表存唐國史

郡伯尊人鎮撫閩中

符秩等漢諸侯江湖水氣城陰合吳越山光戟外收自是前身蘇玉

局黃州領郡又杭州

送張世濟之官楚中

酌春堂上勸觥船儂指分攜又八年偶寄一官江漢去風流少府勝

藍田

宋中丞肇鎮撫江西詩以寄之

離華秋色濟陽行送別燕郊空復情十月乍遷吳子苑六幢今指豫

章城樽移南浦仙舟近幔卷西堂幕府清宰相史家書世系代興誰
得似先生

再簡朴公

謝家木屐無完齒陶令籃輿怕朔風黃葉滿山來未得幽尋也待杏
花紅

送胡參議分守河東四首

周北張南夾巷居傳鈔互借一瓿書使君好事誰能及馬後巾箱載
滿車

朔風千里動幽燕欲醉壚頭費酒錢君到襄陵官醞熟可能遺我蒲
萄煎

天際河流戟外黃桃花春水漲魚梁銜杯不改陵州樂鱸取銀鱗尺
半長

歷井捫參儼畫圖到來官閣一塵無十年漢上題襟客不數詩人鄭

鷓鴣

時鄭上舍
培偕行

和韻送金檢討

德嘉

還黃州

謫居人海我未還君亦捐佩蛾眉班忽攜紅藤杖七尺歸臥黃篋樓
三間鰻肥筍香酒戶大月明風熟漁舟閒有時橫江逐孤鶴一聲長
笛開心顏

同諸君聖安寺餞曹檢討

宜溥

載酒入古寺柳林東湖頭將以送遠人豈惟恣讌遊精廬金源舊香
乳塗白牛二帝一宸妃遺像堂中留更聞王萬石辭榮返故丘傾城
出祖餞於此聚行轉古來離別地草木常先秋火雷焚怪柏霜葉鳴
老楸雖乏斷碣存陳迹尙可求曹子酒大戶十榼飲不休一朝忽言
去無以申綢繆列席庭槐陰日午風修修窪匏截竹節主客互勸酬
未知臨歧語遠合古人不坐久林鷗集斜照忽已流並馬歸道南明
發期登舟一帆挂楚澤百尺臥竹樓川涂日以邈何以寫我愁夢爲

黃衣蝶飛繞崢嶸洲

晚過崇效寺同李檢討

澄中

李中允

鑑

龐舍人

堪

曹檢討

宜

溥賦

繚垣途轉曲入寺淖初乾尚有殘僧在同尋斷碣看白花秋細細紅棗晚攢攢更上荒臺望遙山五髻盤

白馬寺

仁壽千年寺今存半畝宮落鐘橫道北瓦塔限牆東客至愁嗥犬僧寒似蟄蟲夕陽留未去雙樹鳥呼風

輓錢進士

廷銓

曲江讌後放歸艎豈謂才人祿命妨差勝孤魂追及第最憐無子奉高堂門前載麴車難得夢裏生池草未荒不待山陽聞笛罷西風老淚寄千行

寓居天寧僧舍同魏

坤

作四首

青豆房容借經旬且閉關日邊連右輔樹杪豁西山六井泉相似千
花塔易攀不應朝市客翻羨旅人閑

萬古光林寺相傳拓跋宮著書非柱下留客卽淹中味拆園蔬甲香
攜市酒筒波濤人海闊安坐作漁翁

到此栖遲慣都無應接勞借書僮入市莖薦馬騰槽塔射層層火松
鳴夜夜濤惟嫌重九會風雨罷登高

故人分月米言自玉田來黃雀兼鄉味金瀾勸客杯
徐尙書所遺也醉便尋茗盃行卽遶香臺要踏西峯雪狂歌未擬回

爲魏上舍坤題水村圖二首

鷗波亭子趙王孫曾爲錢郎畫水村過眼雲煙難再覩披圖髣髴筆
蹤存

斜插魚標颺酒旗柳陰小犬吠籬歸田最是分湖好我亦相期作

釣師

九月八日天寧寺觀塔燈聯句

秋風鳴枯槐斜日薄西崦徐善並馬入寺門客衣胥稀蔽朱茂凋于
焉展嘉觀一笑輟鉛槧高佑鉅巡廊禮紺塔卓立大且儼彝尊陳丹
和暗粉古色剩渲染魏坤蹟仍開皇舊函并舍利掩查慎行一十三
重檐檐風鐸颭善蟠楹蛟躩踞負礎鬼瘠貶茂凋飛梯截階級白
石奪琬琰佑鉅鎔金范爲燈設砌架成厂彝尊纍纍仄蜂房歷歷覆
蟹曆坤怖鴿棲未安一天突走險慎行綆缶牽膏油豆火發星燄善
初如螢尾炫忽若獸目睽茂凋或如爐炊炭或如竈炊栝佑鉅須臾
環扶闌散作四百點彝尊虛堂鑿纖毫老樹失掩冉坤氛烟看直上
樓閣時一閃慎行置身圓鏡中文光不可掩善鼓鐘聲遠聞來者紛
襪襪茂凋提攜及童嬰羅拜離寺闈佑鉅營營各有挾邀福毋乃詔
彝尊禮義苟不愆寸心又何慊坤玩物隨所遭誰能束崖檢慎行宵
分梵放歇漏轉人散漸善茗盃坐屢遷松關啓還居茂凋衰年疲倚

徒禪榻擁衾篋，佑鉞弦月隨側輪。濕雲俄淅淅，彝尊驟驚山雨來。昏
夢豁鬢魔，坤晨興矚林端。餘爇尙未斂，慎行。

九日雨阻天寧寺聯句

仁王塔祇樹林客，九日期登臨彝尊。風蕭蕭雨淫淫，泥滑滑愁人心。
慎行馬毛縮魚潦，深行躑躅坐沉吟。坤日月逝衰遲，侵去者昔來者。
今善別苦易思，難任尊有酒且酌斟。佑鉞脫我帽披我襟，折黃花試
共簪茂暉。

同錢

光夔

王

原巖

虞惇

魏坤

查

慎行

吳卜

雄

過白雲觀分韻

二首

愛見晴山出郊西，萬木疎偶尋樵子。徑因訪羽人居活脫，存遺像蒼
涼感廢墟。惟餘綵旛字，髣髴鶴頭書。

世祖興元日，真人獨召丘。片言能止殺，萬里不虛游。羽蛻長春觀，池
枯太液流。誰裁釋老傳，乃與帝師儔。

送高佑鉅之安邑和魏坤韻

驪駒九日郭門催問子西征幾月來最好河東苦桑落懷人一倍引
深杯

夜宿天寧寺大風和徐四處士善韻

檻外開皇塔三千六百鈴天風吹不定一夜枕函聽砌咽寒蟲語牕
搖獨樹形故人眠未穩吟傍佛燈青

曉起風未止復賦

已湧高城日猶號昨夜風六年凋佛樹乙字數邊鴻催粥桐魚響薰
衣桂火籠薄寒須摒擋仍作鹿皮翁

送樊明府咸修之嘉興

仙島南發指江關到及梅花點地斑倚郭千家齊傍水登樓百里更
無山郊垆近日園亭少旱潦頻年稼穡艱憑仗賢侯妙為政不難風
景舊時還

蘆塘放鴨圖爲查大第慎行題二首

橫漲橋東宿雨殘，盡驅鴨鴨出紅闌。
蘆花兩岸冷如雪，十里秋容倚槳看。

鴨頭老綠鴨脚黃，十五五沿斜塘不勞蜀郡滕。
昌祐勾染一枝紅拒霜。

冬夜同諸子集杜尙書齋中分韻得波字

司空愛客埽東第十里，杜曲齊來過揚眉。
且作吳下語，婪尾笑卷樽中波。
吾老謫官久當去，人生良會安能多。
街頭鑿鑿漏鼓急，不醉奈此明燈何。

給事第雲宅席上觀倒刺四首

雪後風燈燄燄寒，雲韶舊部走伶官。
一雙手技從容入，勝舞銀貂小契丹。

洞庭橘酒注雙餅，老去繁絃不厭聽。
爲語參軍休打鶻，衝筵喚出李

青青

杯槃暢舞蹈紅綃高下冰瓷燭一條不是羊家張靜婉如何貼地轉
纖腰

琵琶鐵撥自西涼十四箏絃三足牀街鼓鑿鑿催不去更翻一曲玉
娥郎

曝書亭集卷十四

曝書亭集卷第十五

秀水 朱彝尊 錫鬯

古今詩 十四

上章敦牂

同郭三徵 滿井訪崙公即事二首

郊行方澤外路轉古城窪
小雨乍潑火輕風無聚沙
青蓮過橋寺紅杏隔牆花
一笑遠公在催停轂鯨車

故人方外侶謂周處士箕也 往往說支纖
帝里衝風雪僧廚共米鹽
招魂迷去路挂壁有殘縑
不待山陽笛同游淚各霑

送史館姜君宸英 赴包山書局二首

白蠟明經亦可憐
強吟詩卷放歸船
告身許領郎官軸
不藉題名鴈

塔前

莫釐峯下著書臺
十道圖經一室開
破臘梅花遶清夢
勝騎官馬踏

霜埃

送徐處士善南還

玉河新柳已堪攀二月交亭送客還十度洞庭游未足今番真住石

公山

送禹鴻臚之洞庭

謫官擬就洞庭居此意沉吟六載餘君去西峯先相宅小樓容架滿

船書

送劉進士凡知孟縣

百里雷封古孟州銅章出宰最風流一灣清濟通王屋千樹穠花繞

縣樓別後酒鎗攜伴去到來詩卷許吾酬三年報最尋常事腰折眉

摧不用愁

送人宰順德

銅章再縮出都亭天末郎官映一星南海潮連沙嶼白西樵山壓縣

樓青題詩定遍篋笈竹判牘憑移孔翠屏此地不難先奏最因風爲報遠人聽

贈張叟

別

筍籜爲冠大布裙愛從金石拓遺文吾生癖似劉原父當代楊南仲是君

裂帛湖

裂帛湖流兩岸平柳陰風煖燕飛輕年光冷笑長安客開遍山桃不出城

查上舍

慎行

弟將南還過寓舍話別同魏二

坤

小飲賦六言

江郎南浦欲別小謝西陵未來

謂嗣琛弟也

細草巴溝乍綠堅冰潞水寧

開散翻李邕新格酒瀉烏巾舊醅款語且留十日看花同上豐臺

積雨寄賀秀才

堂坳階面蔭青莎鳩婦呼來又出窠說與江南賀梅子今年暑雨者

邊多

倪博士 我端 讀書城西雨中寄之二首

黑龍潭口水雲腥黃紙無勞畫丙丁料得林扉昏掩處高荷大芋枕
邊聽

雨氣西山黯未開更聞小暑一聲雷不煩走馬衝泥苦便可乘船入
市回

牽牛花十二韻

小草無心蔓疎籬到處延涼分銀漢水曉映碧羅天絳地三秋早含
苞七夕先風吹長裊裊露洗更娟娟冷翠蕉林外新黃豆葉邊日高
翻自斂夜久愈生妍月影銷衣後蟲聲攪夢前捎溝香驛路墮雨滴
簷船螢火黏常溼蛛絲密易緣子多拋藥臼根不費花錢舊入桐君
錄宜蓼織女鈿憑誰描竹尾幽思轉脩然

同李中允 澄中 錢中允 金甫 李諭德 鎡 重過萬柳堂有懷相

國馮公二首

岸柳經秋臥簷花過雨摧應門人已換並馬客重來板屋分熊檻莎
亭擾雉媒昔年觴詠日不記暮笳催

樹改平泉譜堂仍右相名路迴逢石坐心怯過橋行稚子喧棋局園
官却酒鎗惟餘沙面水猶似冶源清

題汪祭酒霏詩卷三首

金馬紛紛著作家緇塵日日走復車誰如國子先生暇吟到棠梨日
影斜

西陵十子流派別南宋諸公體制殊絕似韋郎浣花集奇章麗則近
來無

庭闈眷戀賦歸難酒伴相逢強自寬只合宅西添小閣秋山且當故

園看

祭酒詩卷中有記得年時重
九日全家登閣看秋山之句

秋日集馮檢討齋分韻得南字

一珍做宋版印
畢卓能蠶飲康駢愛劇譚長筵遮硯北小徑闢花南榼醖三升酒齋
香二寸柑餘酣留未去采菊入茶籃

題周編修

金然

雲松雪瀑圖

編修與予有結鄰洞庭山之約

越縑八尺誰所畫雪瀑亂灑長松梢中有科頭人獨坐盤石坳注目
一疋練昏泉一勺胞斯人豈宜在巖壑或者避俗憎喧饒我生山水
性夙嗜十年誤把田園拋移家欲果洞庭約擬先縛屋三重茅毛公
壇高踏月上靈威洞古探書鈔楊梅滿村鶴頂賤橘柚落樹筠籠包
茲山從無蛇虎雉但有魚蟹鰕登庖雨前茶牙舌比雀籬下竹筍頭
如貓閒房恣意任選擇樂土不用分肥磽先生方充記言史朵殿直
入穿雲旃曰歸正恐歸未得磨錢枉費占羲文耕田定須沮溺耦開
徑可少求羊交終當乞取鑑湖曲庶免怨鶴驚猿嘲

皇仁綏遠詩八首

并序

臣聞柔遠人則四方歸有常德而六師整舞兩階之干羽至誠感神

受百祿於共球敷奏其勇周官分職合方訓方懷方王會開圖比服
要服荒服唐著歸忠之傳漢歌樂德之詩矧夫百王之所未臣重譯
於焉來附于疆于理無貳無虞宜有頌聲用揚盛美欽惟我
皇上軼堯包舜揚武覲文陟禹迹而方行合軒符而在握泰階協正
被四表以光華上治咸和躋八紘於仁壽建中立極無外恢圖天地
之大德曰生靡一物不懷

帝德神人之所助者順允率土莫非王臣畫謀造化之先制勝霄旻
之上乃喀爾喀雖修職貢反側靡常與厄魯特妄構兵端阨窮已甚
皇上湛恩溥博克全仁濡義育之中

睿慮周詳不遺曲成範圍之內謂外藩之豫附必親定其機宜總七
萃於黃圖勒五營於紫微硯水潮河以北照耀戈鋌空同祝栗之間
扶攜老幼百重陞戟瞻帳殿而傾心千列周廬覲

天顏而稽首

宸衷用豫

聖度誠弘載揚正正之旗徐布堂堂之陣有爵有階有秩推亡固存
賜衣賜讌賜金式歌且舞申以河山之誓親同禁衛之軍而又
躬莅營門特宣誥誠用賞用罰是訓是行永為不侵不叛之臣無異
實啟實籍之地於是揚葭啓路總駟

回鑾百千萬人皆感

恩而泣下四十九部益慕義而歡騰蒼龍搖旆旆之旂朱鷺疊淵淵
之鼓歲旱而雨師灑道日長而風伯清塵曜乾文闡坤珍調玉燭輝
金鏡既膺 寶籙宜薦 鴻稱惟

至德之彌謙而覃厚者多益萬年有道千古未聞 臣 幸際 昌辰式

觀 醲化自慚弇陋仰沐 崇深恭賦短章奉揚 駿烈

紫禁開魚鑰青郊建羽旄受降資

廟略載筆忝詞曹塞拓漁陽遠山盤虎北高羣臣歸燕息轉念

聖躬勞

鴈路緣沙磧魚雲接慢城鳴
鑾七校從吹笛六軍行俗本通鞮譯

人今息戰爭紛紛攜老穉遙望屬車迎

納款陳千帳班朝式九圍不圖瞻

日角轉自懾

天威重馬馱金囊茸裘換錦衣早知恩賚渥慕義久先歸

錫宴原殊禮官庖出尙方自來鹽穀少初得旨甘嘗位近周青馬詩

呈漢白狼遠人何以報齊奉萬年觴

羽衛三千士龍媒十二閑載旌平似水布陣屹如山膽已寒蕃部懽

仍啓

聖顏始知師以律悔恃七旗孱

繼絕弘新典疏榮表外藩河山申信誓謨訓有恩言入視金吾仗

來隨白虎旂自今同尉候不敢更懷諼

鳳蓋將旋日重攜所部來感深翻泣涕送遠愈徘徊星野瞻箕足

雲旂戴斗魁 神功一萬禩 駐蹕起層臺

左闕千門曉南風五月薰崇牙鏡吹曲 仙仗羽林軍行健同 天

德鳴謙集

帝勳小臣逢盛際獻頌愧無文

爲魏上舍題水村第二圖二首

江鄉最好是分湖紫蟹紅鰕雪色鱸眯眼塵沙歸未得倩人重寫水

村圖

綠蘋不礙板橋樁紅葉空堆老樹腔異日相過任風雨抽帆直到讀

書牕

燕京郊西雜詠同諸君分賦

十八盤

香山十八盤盤盤種松柏惟見獨行僧稀逢采樵客

高粱河

高粱寒食時昔年盛游冶隔水百重花長堤兩走馬

釣臺

儵魚千百頭湖水二三尺有時溪雲生不見釣臺石

君子城

吾笑石季龍爾何知好士羅致山城中哀哉數君子

芙蓉殿

雕宮委疆礫暗粉剝莓落想見明昌日芙蓉殿脚開

黃牛岡

亂石侵花當奔沙擁樹根黃牛岡上月橫笛過前村

香水院

壞磴接雲根流泉來樹底宛轉入僧廚淙淙鳴不已

夾山寺

禪枝啼谷鳥忍草護松關偶入樵人徑桃花又一山

齋山

石齋久已徙青山仍舊名去都無一舍已覺旅塵清

重光協洽

送吳御史震方還里二首

去年兮上書拜手兮青蒲今春兮未暮乘白駒兮下通路酌酒兮臨
風攬子祛兮城東申之兮款曲客無爲兮忽忽泛牖河兮千里不如
子之車兮莫或敢梃望江關兮兩旗不如子之馬兮莫或敢維囊無
一物兮旋故土將津吏兮無怒

瞻衡宇兮欣欣數鄉樹兮歷歷慰慈母兮倚閭御輕軒兮布席妾婦
蠶兮臂筐童呼牛兮腰笛麥秋兮梅暑煙舟兮雨屐罷遠遊兮屈平
師近遊兮東哲逝將歸兮由拳樂與子兮晨夕

雨中酬王先生士禎早春見過韻

架插圖書卽是家忍令丘壑廢京華故人積雨能來否堂下羅生十
樣花

附 正月上旬過朱竹垞太史齋中諸花盛開賦絕句

濟南 王士禛

馬勝曾說野人家每先去聲東皇管物華今歲長安霜雪少試燈風
裏見唐花

團谿歌寄題黃贊善與堅書屋

團谿水繞舍北流團谿花發牆東稠先生歸去著書便日坐團谿
上樓

九日萬柳堂同譚十一表兄瑄作三首

百尺金臺近可攀城西積翠冷孱顏自緣筋力新來倦九日聊尋一
簣山

鵝鵲撲鹿起晴沙路轉平岡日已斜較是今年籬菊晚秋深猶膩水

荷花

改席疎林脫帽多半酣猶望麴車過休嘲酒戶年來減勸客還能卷
白波

秋水十韻

郭外湖新漲天邊暑乍歸牽舂移荻岸繫纜到柴扉橋影中流小人
煙極浦稀家家采菱角處處落蓮衣渡口迷村店潮痕驗釣磯魚標
林際短蟹火夜深微柳近浮萍掃楓兼斷葦飛避鴈下侵壟稻
梁肥夢穩扁舟在鄉遙舊雨非殷勤報鷗鳥伴我共忘機

送蔡中允假還省親

記聽句臚已十年詞頭草罷擘宮箋不知才子循陔後鎖院何人下
水船

寄題張學士英前輩賜金園二首

金海橋西小苑灣偶辭賜第放船還仙居絕勝閭丘遠割取龍眠

一半山

越溪漁客東歸後，千載無人乞鑑湖。輸與先生賜金換，君恩歲歲

答魚租

毛封公壽詩集唐人句十韻

自知清淨好，名利本來疎。嗜酒晉山簡，通經漢仲舒。高齋徵學問，教子但詩書。庭養沖天鶴，香消蠹字魚。寧知武陵趣，還傍釣臺居。散帙至棲鳥，鳴榔聞夜漁。古苔生迳地，時菊覆清渠。洞有仙人籙，門停長者車。桐江秋信早，勾漏藥成初。自有延年術，何人更得如。

寄題新城王上舍

啓深

園居十二首

綠蘿書屋

女蘿青裊裊，壓君一丈牆。有時風卷幔，瑣碎涼月光。留照牀上書，籤帙生微黃。

嘯臺

山月出漸高山泉鳴不已登臺一舒嘯四面林風起公子鸞鶴羣形
神兩無累

春草池

春水既已綠春柳亦已青此時池上草日暖飛蜻蜓游絲墮復起牆
外花冥冥

石丈

種橘號作奴種花呼作后山礬以爲兄海棠以爲友羅置石丈前丈
應開笑口

大椿軒

大椿本無樹取以名其軒不隨蔭草彫長愛藻景暄因思漆園叟十
九皆寓言

小華子岡

小水波淪漣小山石偃仄月明攜客上竹樹風不息比似輞川圖但

著淺絳色

石帆亭

我昔鏡湖曲曾對石帆山
婀娜層雲外迢迢不可攀
何如一片影移置戶庭間

三峯

一峯竦中央兩峯旁
夾侍共此一簣山
各具千仞勢要知主人心
方蓬有遐寄

雙松書塢

我願身爲鶴巢君庭際
松清風吹我衣
明月照我容與君歲寒約
寤語絲春冬

樵唱軒

樵風遠更聞樵唱行
無次郭東郭西樵
審音非一致寫入丘中琴
泠泠有餘思

小善卷

洞戶雖言小翻勝陽羨里初無鹽米堆惟有大石几不知經幾年石髓滴爲水

半偈閣

小梯上橫閣勝境同精廬宴坐維摩椅纖塵都掃除觀心默無語想見天地初

題沈上舍洞庭移居圖六首

沈郎歸興及秋風擬學煙波笠澤翁不戀湖莊收紫茜愛他千樹洞庭紅

銷夏灣頭五月涼堂成面面納湖光楊梅綫紫枇杷白買斷閒園自在嘗

才微歲晚畏譏彈井社年來欲住難只合全家太湖去免教小吏侮鄉官

洞府曾傳第九天
況聞崦裏足良田
煩君埃我鮎魚口
並載吳江赤馬船

濕銀三萬六千頃
兩點青螺髻子濃
生怕東山鵝鴨鬧
輕帆徑度莫釐峯

橘田薑棧散租符
西舍東鄰興不孤
他日相逢王潑墨
也簪生絹索橫圖

曝書亭集卷第十五